

阿毗曇心論卷第一

自

尊者法勝造

晉太元元年僧伽提婆共惠遠於廬山譯

界品第一

前頂礼寂勝離惱慈哀願亦勸順教眾
无著應真僧

說曰法相應當知何故應知法相者
常定知常定相彼曰定智有定智相
則為決定以是故說法相應當知問
世間亦知法相此極愚亦知堅相地
濕相水熱相火動相風無尋相空非
色相識如是一切不應已知復知若
已知復知此則无窮无窮者此事未
然云何說法相應當知答世間不知
法相若世間知法相一切世間亦應
決定而不決定法相者常定不可說
知法相而不決定若然者不決定亦
應決定但不尔是以世間不知法相
復次堅相地无常相苦相非我相若
不尔者堅相應有常相樂相有我相
而不尔是故堅相即無常相苦相无
我相若世間於地知堅相者无常相

阿毗曇心論卷第一 第二張 自

苦相无我相亦應知而不知是故世
間不知地堅相問前說法相應當知
此法云何答

若知諸法相 正覺開慧眼 亦為他顯現
是今我當說

問佛知何法答

有常我樂淨 離諸有漏行

諸有漏行轉相生故離常不自在故
離我壞敗故離樂慧所惑故離淨問

若有常我樂淨離諸有漏法者云何
眾生于中受有常我樂淨答

計常而為首 妄見有漏中

眾生于有漏法不知相已便受有常
我樂淨如人夜行有見起賊相彼亦

如是問云何是有漏法答

若生諸煩惱 是聖說有漏
若於法生身見等諸煩惱如使品說

是法說有漏問何故答
所謂煩惱漏慧者之假名

煩惱者說漏漏諸入故心漏連注故
留住生死故如非人所持故是故說

有漏問此更有名耶答
是名為受陰 亦復煩惱諍是法說盛陰

阿毗曇心論卷第一 第三張 自

說勞說諍問何故答

煩受諍起故 是彼應當知
身見等諸煩惱勞於眾生成說煩惱

惱受身故說受忿怒心故說諍從身
見等生諸有漏法是生勞故說勞生

受故說受生諍故說諍已說盛陰陰
相今當說

若遠離煩惱 无漏諸有為一切雜受陰
是陰聖所說

謂法離身見等諸煩惱亦解脫諸漏
有為從因生故是一切及前說盛陰

此愁說陰是五陰色痛應云覺也想行識問
色陰云何答

十種謂色入亦无教假色是分別色陰
牟丘之所說

十種謂色入者眼色耳聲鼻香舌味
身細滑亦无教假色者如業品說此

色是色陰分別色陰時是世尊說
所名曰識陰 此即是意入於十八界中

亦復說七種
謂識陰即是意入亦界中七種分別

眼識耳鼻舌身意識及意
餘則有三陰 無教三無為謂是說法入

阿毘達磨心論卷第一 第四張 自盡
亦復是法界

餘則有三陰者痛陰想陰行陰无教
三無為者虚空數緣滅亦非數緣滅
此惣說法入亦復是法界如是此法
說陰界入但陰一向有為界及入有
為無為已說陰界入一一相今當說
界中一可見十則說有對无記謂八種
餘則善不善

界中一可見者色界此可視在此在
彼是故可見當知十七不可見十則
說有對者十界有對眼色耳聲鼻香
舌味身細滑是各各相對各各相障
碍處所若有一則无二是故有對當
知八無對无記謂八種者眼耳鼻香
舌味身細滑此非樂報可記亦非苦
報可記故曰无記餘則善不善者色
聲意法及六識善身動是善色不善
身動是不善色餘色无記如是聲口
動淨心七識界善不善煩惱相應是
不善餘无記法界識心相應彼如心
說若不相應如雜品說
有漏有十五餘二三三有欲有中
有四
十一在二有

阿毘達磨心論卷第一 第五張 自

有漏有十五者五内界五外界五識
界漏止住故餘二者意見界意識界
法界此或有漏或無漏若漏止住是
有漏異則无漏三三有者意法識界
是中有中可得欲有色有無色有欲
有中者四者香味鼻識舌識是一向
欲有中攝非色无色有離欲攝食故
一切香味是性攝食十一在二有者
欲有色有十一界内五色聲細滑及
是境界識此非无色中以離色故
有覺有觀五 三行三餘無有緣當知七
法入少所入

有覺有觀五者五識界與覺觀俱
故覺觀相應三行三者意法識界此
三行若欲界及初禪是有覺有觀若
中間禪是无覺少觀是上无覺无觀
餘无者謂餘界非覺俱亦非觀俱不
相應故有緣當知七者七界有緣有
此緣故故曰有緣如人有子謂之有
子彼亦如是眼識緣色耳識緣聲鼻
識緣香舌識緣味身識緣細滑意識
緣諸法法入少所入者若心心數法
是有緣餘則无緣

阿毘達磨心論卷第一 第六張 自

九不受餘二 為無為共一向是有為
當知十七界

九不受者受名謂若色根數亦不離
根是心心數法所行於中止住故異
則不受於中九界不受聲心法界非
於中心心數法止住餘二者五内界
若現在是受於中心心數法止住過
去未來不受非彼心心數法止住色香
味細滑若不離根及現在是受如心
心數法根中止住彼中亦不離根
故餘則不受為无為共一者一法界
有為及无為於中三種有常故不可有
為餘法界无常故有為有為无為各
施設故是以為无為共一向是有
為當知十七界者十七界無常故一
切有為是故一向有為問如是分別
法相已云何攝法為自性為他性答
自性問何故答
諸法離他性各自住已性故說一切法
自性定所攝
諸法離他性者謂眼離耳如是一切
法不應說若離者是攝以故非他性
所攝各自住已性者眼自住眼性如

是一切法應當說若住者是攝故說一切法自性之所攝已施設自性所攝於中可見法一界一陰一入所攝如是一切法復次此義契經品當廣說

行品第二

已說諸法自相如法生今當說問若諸法自性所攝者亦當以自力故生否

至竟无能生用離等侶故

一切法不能自生所以者何諸行性劣无勢力故如羸病人不能自力起問若不自力起當云何起否

一切眾緣力 諸法乃得生

如羸病人由他扶起彼亦如是如心

由伴生今當說若心有所起是必有俱心數法等聚及不相應行心者

意意者識實同而異名此心若依若緣若時起彼心共俱心數法等聚生問何者心數法等聚否

想欲更樂慧 念思及解脫作意於境界三摩提與痛

想者事立時隨其像貌受欲者受緣

時欲受更樂者心依緣和合不相離慧者於緣決定審諦念者於緣憶不忘思者功德惡俱相違於心造作解脫者於緣中勇猛發動定者受緣時心者於緣中勇猛發動定者受緣時心不散痛者樂不樂俱相違緣受

一切心生時 是生聖所說同共一緣行亦復常相應

一切心生時是生聖所說者此十法一切心生時共生是故說名大地同共一緣行者一切心共俱同一緣行

不相離亦復常相應者各各共俱及與心俱常相應共行離增減故故曰相應已說心數法謂通一切心中不通今當說

諸根及覺觀 信猗不放逸進護眾煩惱或時不相應

諸根者善根无貪無恚无愚癡覺者於心廣相續觀者於心細相續信者成實真淨猗者善心時於身心離惡

故悅樂不放逸者信善時方便不捨進者作事專著護者作事行以不行求以不求自守无為眾煩惱者如使

品說此法非一切心中可得或時相應或時不相應問何故說心數者意謂之心彼眷屬故說心數已說諸心數法相如所生今當說

不善心品中 心數二十一 穢汗二損減欲界非不善

不善心品中心數二十一者不善名若心生欲界諸煩惱除欲界身見邊見是轉成不愛果故謂不善此心品

中當知有二十一心數法十大地覺觀二煩惱无慚无愧睡調不信放逸

慳急穢汗二損減欲界非不善者謂心品是欲界穢汗非是不善如身見邊見相應心此品中當知有十九心數法除無慙无愧一向不善故

善不共二十 无記有十二悔及於眠心是能以為增

善不共二十者不共名謂心獨一無明煩惱生是二十心數除一煩惱餘

如前說善名謂淨心能轉成愛果此心共俱當知有二十大地覺觀信進猗不放逸善根護慚愧无記有十二者不穢汗心品中有十二心數法十

阿毘達磨心論卷第一 第十張 自

大地覺觀悔及於眠心是能以為增者悔名事不成恨為悔是善不善彼相應心品中增悔餘心數法如前說眠名滅心一向合不自在為眠是一切五品中生彼盡增益餘心數法如前說若悔眠不行三品中是增二餘心數法如前說問此欲界心相續說色界去何答

初禪離不善餘知如欲有禪中間除覺於上觀亦然

初禪離不善餘知如欲有者初禪无不善彼中有四品善穢汗不共无記是如欲界說善中二十無記十二穢汗十九已離不善當知亦離无慚无愧一向不善故不共有十八禪中間除覺者中間禪无覺彼一向除覺餘如初禪說於上觀亦然者第二第三第四禪亦復无觀及无色界於中一切除觀覺前已除已說心數法由伴生色今當說
極微在四根 十種應當知身根有九種餘八種謂香
極微在四根十種應當知者謂極微在

阿毘達磨心論卷第一 第十張 自

眼中是知有十種地種水火風種色種香味細滑種眼根種身根種耳鼻舌極微亦如是身根有九種者謂餘身根極微九種彼有一根種餘如上說餘八種者於中餘非根色中極微有八種問此極微何界說答謂香欲界中有香色界中離香彼一切除香味種餘種如欲界說問前已說若心生彼中心心數法生及心不相應行於中已說心數法心不相應行去何答一切有為法 生住變異壞一切有為法各各有四相生住異壞世中起故生已起自事立故住已住勢衰故異已異滅故壞此相說心不相應行問若一切有為法各有四相者是為相復有相答
是亦有四相
彼相中餘四相俱生生為生住為住異為異壞為壞問若尔者便无窮答展轉更相為

此相各各相為如生生各各相生如是住住各各相住異異各各相異壞壞各各相壞是以非无窮後四相各

阿毘達磨心論卷第一 第十二張 自

行一法前四相各行八法生者生八法前三後四及彼法餘亦如是已說諸行伴如由伴生今當說
所作共自然普遍相應報從是六種因轉生有為法

一切因盡在六因中此因生一切有為行於中所作因者生法時不障尋不留住由此故生不相似法如由地万物得生共因者諸行各各相伴由此故生如心心數法心不相應行及極微種自然因者謂彼自己相似如習善生善習不善生不善習无記生无記如物種隨類相因一切遍因者謂諸煩惱轉相續生如見我審入計者由此見故於我有常无常審入計者諍陰相審入計者於陰相猶豫受有常樂淨等生諸煩惱如是說諸一切遍如使品說相應因者心及心數法各各力於一緣中一時行相離則不生報因者謂行生於生中轉成果如善受果不善不受果由此故生已說諸因諸法隨因中生今當說
若心因報生 心數及煩惱是從於五因

與起應當知

阿毗曇心論卷第一 第十三張 自

若心心數法因報生及諸煩惱是從
五因生報因生者從所作因生彼生
時相似不相似物不障導故住從共
因生伴力故生彼各各相伴及心不
相應行共伴從自然因生彼有相似
前生無記法從相應因生俱一時一
緣中行從報因生彼善不善謂此果
穢汙心心數法除報因无記故是從
一切遍因生由此故生餘四因如前說
是彼不相應諸餘相應法除其初无漏
是從四因生

是彼不相應者若色從報生及心不
相應行是從四因生所作因共因報
因自然因穢汙色及心不相應行亦
從四因生所作因共因自然因一切
遍因諸餘相應法除其初无漏是從
四因生者餘心心數法除其初無漏
亦從四因生所作因共因自然因相
應因
謂餘不相應因生當知三及諸餘相應
初生无漏法
謂不相應法前所說於中餘若有自

然因除

阿毗曇心論卷第一 第十四張 自

初无漏是從三因生所作因
自然因共因初无漏相應亦從三因
生所作因共因相應因是前无自然
於中不相應應從二因生若從一因中
生者必无有

於中不相應應從二因生者初无漏
品中色心不相應行從二因生所作因
共因已說一切有為於中若從一因
生者必无有已說諸因如此因如來
定知諸法相覺力教化故說緣今
當說

次第亦緣緣增上及與因法從四緣生
明智之所說

次第緣者一心生相續无間緣緣
者心心數法境界緣彼故心心數法
生增上緣者是所作因一切万物万
物生時不作罣尋但自所作為要是
說增上緣因緣者共因相應因自然
因報因一切遍因已說諸緣諸法隨
緣生今當說

心及諸心數是從四緣生二正受從三
謂餘說於二

心及諸心數是從四緣生者心心數

法從四緣生

阿毗曇心論卷第一 第十五張 自

前開導故生是彼次第
緣境界是彼緣緣除其自已餘一切
諸法是彼增上緣二正受從三者無
想定滅盡定是從三緣生於中入定
心是彼次第緣於中自地前生功德
是彼因緣及餘俱生住異壞亦彼
因緣彼增上緣如前說謂餘說於二
者離彼餘心不相應行及色從二緣
生因緣及增上緣問以何故此諸法
謂之行答

多法生一法一亦能生多緣行所作行
如是應當知

多法生一法一亦能生多者無有
一法能自力生但一法由多法生多
法亦由一法生以是故謂緣行所作
行如是應當知

業品第三

已說諸行已性及由諸因緣生今謂
此有因能嚴飾果種生種生差別可
得今當說

業能莊嚴世趣趣在處處以是當思業
求離世解脫

業能莊飾世趣趣在處處者三世於

阿毘達磨心論卷第一 第十六張 自

五趣中種種身老別嚴飾是世嚴飾
事唯業是以當思業求離世解脫
身業及口意 有有之所造從是生諸行
嚴飾種種身

身業及口意有有之所造者謂身口
意業生所造作從是生諸行嚴飾
種種身此業相今當略說

身業教无教當知二俱有 口業亦如是
意業唯无教

身業教无教當知二俱有者身業性
二種有教性无教性於中有教者身
動是善不善无記善從善心生不善
從不善心生无記從无記心生无教

者若作業牢固轉異心中此種子生
如善受戒人不善无記心中彼猶相
隨惡業人惡戒相隨口業亦如是者

口業性亦二種意業唯无教者意業
性一向無教所以者何不現故思微
相續故問此五業幾善幾不善幾无

記答

教當知三種 善不善无記 意无教亦然
餘不說无記

教當知三種善不善无記者身口教

阿毘達磨心論卷第一 第十七張 自

說三種善不善无記於中善身教者
行施持戒等善心作身動不善身教
者殺生不與取非梵行等不善心作
身動无記身教者无記心作身動如

威儀工巧伎術如是口動善者如不
虛言饒益相應應時言等從善心
生口業不善者如妄言兩舌惡口綺

語等從不善心生口業无記者从无
記心生口業意无教亦然者意業无

教亦三種善不善无記善心相應思
是善不善心相應思是不善无記心
相應思是无記餘不說无記者餘有

二身无教及口无教彼二種善不善
无无記所以者何无記心羸劣彼不
能生強力業謂轉異心中彼相似相

隨是故身无教口无教无无記問无
記業何業性何處繫答
色有无記二隱没不隱没隱没繫在色

餘在於二界

色有无記二隱没不隱没者身口業
是色性以業色性故二種隱没及不

隱没隱没者謂煩惱所覆亦從諸煩
惱生異者是不隱没隱没繫在色者

阿毘達磨心論卷第一 第十八張 自

若隱没一向繫色界所以者何思惟
斷煩惱能起身口業此欲界思惟斷
煩惱一向不善不以不善煩惱能起

無記業餘在於二界者不隱没无記
業亦繫在欲界亦繫在色界意業
如心說是餘處分別故今不說

身口業无教當知善不善三相禪無漏
調御威儀戒

身口業無教當知善不善者業若色
性於中若无教性是善不善三相禪
無漏調御威儀戒者无教戒有三相

无漏禪生調御威儀無漏者謂戒道
俱行正語正業正命禪生者謂禪
俱行離惡調御威儀戒者謂欲界戒

无教在欲界教依於二有 當知非心俱
謂餘心俱說
謂欲界无教是非心共俱所以者何

謂受戒戒雖善心不善心无記心隨
行而不與善不善无記共俱教者亦

在欲界亦在色界但非心共俱所以
者何由身故色界无教及无漏與心

共俱所以者何由心故此非餘心中
隨行已分別諸業若成就業今當說

无漏戒律儀見諦所成就 禪生若得禪持戒生欲界

无漏戒律儀見諦所成就者見諦謂无漏見見聖諦初生無漏見時見於欲界苦諦是故一切聖人成就无漏戒禪生若得禪者謂得禪是成就禪戒持戒生欲界者若受戒者故成就欲界戒已略說成就如過去未來現在可得今當說

謂住威儀戒 无教在於今 當知恒成就或復盡過去

謂住威儀戒无教在於今當知恒成就者若住威儀一切時成就无教戒彼終不離至命盡所縛或復盡過去者或成就過去无教戒若盡不失謂初已盡是成就過去過去者假名為盡

若有作於教 即時立中世當知成過去已盡而不捨

若有作於教即時立中世若作身口教今時即成就現在教現在者假名中世當知成過去已盡而不捨者若彼教已盡不失今時即成就過去

謂得禪無教成就滅未至中若入正受教亦如前說謂得禪无教成就滅未至者若得禪彼成就過去未來所以者何如彼禪成就戒亦復今中若入正受者現在假名中彼若入定空今時成就現在无教所以者何與定俱故教亦如前說者如住威儀戒若作教今時成就現在教若不作教今時不成就教若盡不失今時成就過去若不盡設盡便失今時不成就住禪戒亦復如是 悉成就當知 得道若未生中間在道心盡不捨前世

悉成就當知得道若未生者一切得道成就未來无漏无教所以者何如彼无漏心成就戒亦復今中間在道心者已合道若入於定今時即成就現在盡不捨前世者前世是過去彼於此無教若盡不失如得聖果及退者成就過去无教

若作惡不善 立戒成就二至彼經所經盡已盡當知

若作惡不善立戒成就二者如此住威儀戒或住禪戒或住无漏戒或作

不善濁重纏今時於不善中起無教即成就教及无教若非濁重纏不起无教問幾時成就答至彼經所纏若經所纏隨可得成就盡已盡當知者彼纏若盡教及无教亦隨盡 處不威儀戒 无教成就中 惡而不愛果 亦復過去盡

處不威儀戒无教成就中惡而不愛果者若住不威儀戒今時成就不善无教不善名不愛果亦復過去盡者滅非不滅

有教現於時是說成就中 亦復盡過去善於上相違

有教現於時是說成就中亦復盡過去者教謂如前說善於上相違者如住威儀戒說不善如是住不威儀說善至彼善心

若處中所作 即成就中世亦復過去盡或二亦復一

處中者不威儀亦非不威儀住是居中容彼如善住說善或復二有教及无教或一向教或善不善或一問云何得色界戒云何捨為根本禪得為

阿毘曇心論卷第一 第二十三張 自

餘方便答非一向根本禪
色界中善心得定威儀戒是失彼亦失
無漏有六心

色界中善心得定威儀戒者若得色
界善心或離欲或不離欲彼一切得
戒常共俱問云何失答是失彼亦失
問無漏云何答無漏有六心無漏戒
无漏六地心共得問云何失答是失
彼亦失六地者未來禪中間禪根本
四禪問此戒幾時捨答
調御威儀戒是捨於五時禪生及无漏
二時覺所說

調御威儀戒是捨於五時者威儀戒
五時捨罷道犯戒死時邪見增法没
盡禪生及无漏二時覺所說者禪戒
二時捨退及上生无漏戒亦二時捨
退及得果問餘業云何捨答
不善戒有二善無色亦然穢汙說一時
若業住於意
不善戒有二者不作方便及死時善
无色亦然者善無色業亦二時捨善
根斷時及上生穢汙說一時若業在

阿毘曇心論卷第一 第二十三張 自

於意者穢汙意業一時捨離欲時已
說諸業性及成就如此業世尊種種
分別今當說

若業與苦果 當知是惡行 意惡行增上
貪瞋恚邪見

若業與苦果當知是惡行者謂業是
不善盡說是惡行不善者苦果意惡
行增上貪瞋恚邪見者不善思願是
意惡行復三種說意惡行貪瞋恚
邪見

此相違妙行 寂勝之所說 若於中寂上
是名為十道

此相違妙行寂勝之所說者此相違
一切善業及无貪无恚正見若於中
寂上是名為十道者若於不善業中
若業寂上者是說業道如殺生不與
取邪行妄言兩舌惡口綺語貪恚邪
見於中殺生者衆生想捨衆生意斷
他命求方便成業不與取者物他所
有他想不與輒取邪行者婦女他所
有犯於道若自所有時時犯非道妄
言者異想意欺誑他說兩舌者憎他
故親相離方便說惡口者以瞋於他

阿毘曇心論卷第一 第二十四張 自

不愛言綺語者不善心无義言貪者
欲界欲恚者忿怒邪見者謗因果此
是業道餘者非業道謂此行方便求
及飲酒等不正業思願者是根本業
此以彼十為道

若業現法報 次受於生報 後報亦復然
餘則說不定

謂業能成現法果時則不定問如世
尊說三業樂報苦報不苦不樂報此
云何答

若欲界中善及色界三地是應有樂報
受者定不定

若欲界中善及色界三地是應有樂
報者欲界善業生報與樂俱及色界
初禪第二第三亦生報與樂俱此慈
說樂報問此亦是定耶答受者定不
定若定若不定是四地中善一切有樂報
生不苦不樂 謂在於上善者受於苦報
是說不善業
生不苦不樂 謂在於上善者第四禪
地善業及无色中是不苦不樂報是
生報與不苦不樂俱於中无樂痛若
受於苦報是說不善業者不善業

是苦報必與苦痛俱受報此亦不定如上問世尊說四業黑黑報白白報黑白黑白報不黑不白无報此云何答

色中有善業是白有白報黑白在欲界黑報說不淨

色中有善業是白有白報者色界善業是白報一向不淨故及離不善故

彼一向極妙報是謂白有白報黑白在欲中者欲界善業黑白黑白報所以者何是不善所壞羸劣故故說黑白

白彼雜受報愛不受故說黑白報黑報說不淨者不善謂不淨是黑增惡

故鄙賤故是說黑報

若思能捨離是盡无有餘彼在无寻道謂是第四業

謂道能滅此三業是无寻道若有思此思是第四業於中四思惟道滅

第二業十三有二道見諦道四思惟道九是无漏思不增惡故不黑不五

樂故不白與无窮相違故無報問世尊說身口意曲穢濁此云何答

曲生於諂偽穢從瞋恚生欲生謂為濁

世尊之所說

曲生於諂偽者若業從偽生是曲欺誑故穢從瞋恚生者若業從恚生是穢一向諍故欲生謂為濁世尊之所

說者若業從欲生是濁一向塵垢故問如世尊說三淨身口意此云何答

淨一切妙行滿者是身口謂无學意滿即是无學心

淨一切妙行者若有妙行是一切淨離煩惱不淨故問滿云何答滿者

是身口無學意中身口妙行是謂滿善除一切罣尋故謂無學意滿即是

无學心者若无學意滿是无學心所以者何无學心者已逮得文互相故

已說諸業假名果今當說

善惡不善業是俱有二果善或成三果一果謂餘說

善惡不善業是俱有二果者善業成二果所依果及報果无漏業亦有一

果所依果及解脫果不善業亦有二果所依果及報果善或成三果者謂

善有漏業能除諸煩惱是三果所依果報果及解脫果一果謂餘說者謂

餘无記業是一果所依果无餘問造色相是身口業是業何四大造答

自地若有大依於身口業無漏隨力得是彼謂之果

自地若有大依於身口業者若欲界諸業是依於欲界大此所造故色界

業亦如是問无漏諸業云何答無漏隨力得是彼謂之果者無漏色若依

四大得即依彼地若住欲界得道彼身口業欲界四大造如是一切地謂力

除色界欲及无色界彼若命終生无色中若未得而得身口業是身口業

即彼地四大造問如世尊說三障業障煩惱障報障是相云何答

无間无救業廣能生煩惱惡道受惡業障等亦應知

此三法障等者必不受聖法是故說障等問此業何等最大惡答

若業壞僧者是說為極惡謂業壞僧是業最惡是阿鼻大地獄

住劫問何者最大妙答

第一有中思當知彼最大非想非非想處於有第一彼地攝思

阿毗曇心論卷第一 第五十八張目
是大妙極大果彼八万劫壽報

阿毗曇心論卷第一

甲辰歲高麗國大藏都監奉
勅彫造

阿毗曇心論卷第一

校勘記

- 一 底本，麗藏本。
- 一 五一七頁上一行經名下，**資**、**磧**、**普**、**南**有夾註「一部四卷」。卷第二同。
- 一 五一七頁上三行譯者，**資**、**磧**、**普**、**南**作「東晉僧伽提婆共惠遠於廬山譯」；**徑**、**清**作「東晉僧伽提婆共惠遠譯」。卷二至卷四同。
- 一 五一七頁上一五行第八字「相」，諸本（不含**石**，下同）作「相者」。
- 一 五一七頁下二行第二字「受」，**徑**作「惱」。

- 一 五一七頁下四行首字「惱」，諸本無。
- 一 五一七頁下二一行第七字「入」，**資**作「人」。
- 一 五一八頁上二〇行第八字「識」，諸本作「謂」。
- 一 五一八頁下一二行「不可」，**南**、**徑**、**清**作「不可說」。
- 一 五一八頁下二〇行第三字「定」，諸本作「之」。
- 一 五一九頁中二一行第八字「信」，諸本作「作」。
- 一 五一九頁下一一行第一〇字「調」，諸本作「掉」。
- 一 五一九頁下一四行「心此」，諸本作「此心」。
- 一 五一九頁下一六行第三字「共」，**磧**、**普**作「善」。
- 一 五一九頁下二一行「十十」，諸本作「十」。
- 一 五二〇頁上四行第七字「合」，**南**作「今」；**徑**、**清**作「令」。

- 一 五二〇頁中四行第二字「根」，**徑**作「種」。
- 一 五二〇頁中九行第四字「必」，諸本作「心」。
- 一 五二〇頁中二〇行第三字「更」，**南**作「及」。
- 一 五二一頁上一行首字「興」，**磧**作「與」。
- 一 五二一頁上三行第一三字「彼」，**南**、**徑**作「從」。
- 一 五二一頁上四行第一二字「住」，**南**、**徑**、**清**作「生」。
- 一 五二一頁中四行末字「中」，**磧**、**普**、**南**、**徑**、**清**作「生」。
- 一 五二一頁下六行第六字「餘」，諸本作「彼」。
- 一 五二二頁下二一行「莊嚴」，**磧**、**普**、**南**、**徑**、**清**作「莊飾」。
- 一 五二二頁上一七行第九字「唯」，諸本作「性」。
- 一 五二二頁中二行第二字「施」，**資**、**磧**作「於」。

一 五二二頁中一七行「何業」，諸本作「何等」。

一 五二二頁下一五行「二有」，諸本作「三界」。

一 五二二頁下一八行「戒戒雖」，**資**、**磧**、**普**、**南**作「戒戒唯」；**徑**、**清**作「戒唯」。

一 五二三頁上七行第一二字「故」，諸本作「彼」。

一 五二三頁上一三行「威儀」，諸本作「威儀戒」。

一 五二三頁中五行第一〇字「空」，諸本無。

一 五二三頁中一一、一三行第一〇字「生」，**南**、**徑**、**清**作「至」。

一 五二四頁上一行末字「禪」，諸本作「禪若得」。

一 五二四頁上二行首字「色」，**資**、**磧**、**普**、**南**作「一」。

一 五二四頁上五行第四字「或」，**資**作「以」。

一 五二四頁上一三行首字「二」，**資**

作「一」。

一 五二四頁上二〇行第三字「住」，諸本作「在」。

一 五二四頁中二〇行末字至二一行首字「所有」，**徑**作「有所」。

一 五二四頁中二二行第一三字「憎」，諸本作「增」。

一 五二四頁下二行第一〇字「者」，**磧**、**普**、**南**、**徑**、**清**無。

一 五二四頁下三行首字「是」，**磧**、**普**、**南**、**徑**、**清**作「是是」。

一 五二五頁上三行第一三字「此」，諸本作「此業」。

一 五二五頁上八行第八字「淨」，諸本作「諍」。

一 五二五頁上一〇行第三字「中」，**徑**、**清**作「界」。

一 五二五頁上一五行末字「道」，**徑**作「碍」。

一 五二五頁上二〇行末字「五」，諸本作「可」。

一 五二五頁中一四行「文尼」，諸本

作「牟尼」。

一 五二五頁中一九行末字「一」，諸本作「二」。

一 五二五頁下二行「四大」，**徑**作「大四」。

一 五二五頁下一一行首字「除」，**徑**、**清**作「隨」。

一 五二五頁下一五行「惡業」，諸本作「惡報」。

一 五二五頁下一六行「應知」，**徑**作「應如」。

阿毗曇心論卷第二

自

尊者法勝造

晉太元元年僧伽提婆譯於廬山

使品第四

已說諸業諸煩惱今當說

一切有根本業侶生百苦九十八使者
文居當說思

辟怨不識則言成若識則得離諸煩
惱亦然當知如怨家問云何知答
一切諸使品當知立二種見諦所斷種
亦思惟所斷

若有使者盡見斷及思惟斷謂從見
道是見斷從思惟道是思惟斷於中
說二十八使是繫在見苦謂當見苦時
斷滅盡無餘見習斷當知十九滅亦然
增三見道斷十說思惟止

是謂九十八使已說種界今當說
第一煩惱種在欲當知十二種種有七
餘八見道斷在欲界當知四是思惟斷
謂餘在二界是亦當分別

在欲界當知四是思惟斷者此二十
六使是欲界繫謂餘在二界是亦當
分別者餘六十二使於中三十一色

阿毗曇心論卷第二 第二張 自

界繫三十一無色界繫已說界諸使
今當說

受邊見邪見及與五我見二盜應當知
是煩惱說見

從因相續不識諸法性於中或有常
相或有斷相斷常是二邊世尊之所
說於中若見受邊是謂受邊見誹謗
真實義此見是邪見若有情識類愚
於中計我是謂身見有漏法受第一
此見是見盜非因見因此見是戒盜
此五煩惱是慧性故說見

欲猶豫瞋恚慢癡說非見是界差別故
轉行種種名

欲猶豫瞋恚慢癡說非見者欲名受
念想思於諸行中樂著猶豫名如前
所見於中或思惟瞋恚名所作相違
忿怒慢名自舉癡名所有不識此五
煩惱說非見是謂一切諸煩惱是界
差別故轉行種種名者是十煩惱或
從苦行或從習或從滅或從道於中
若從苦行者是見苦斷如是至道餘
思惟斷
下苦於一切離三見行二道除於二見

阿毗曇心論卷第二 第三張 自

上界不行恚

下苦於一切者下苦是欲界苦於中
行一切十煩惱凡愚於欲界苦不了
因見斷不了果見常謗果謗苦邪見
苦受第一見盜謂法於法非因計因
戒盜自見欲他見恚從見中或從自
見舉慢不了無明離三見行二者習
及滅各七行身見行於現五陰習者
細微不現是故於中不行滅亦如是
受邊見者亦行於現戒盜行於界彼
亦非習滅道除於二見者身見邊見
不行於道有漏境界故戒盜者行於
道似道故終竟不解至不見正道上
界不行恚者如欲界分別色无色界
亦亦除其恚彼中无恚意止柔濡故
諸見及疑非思惟所斷餘欲界四思
惟所斷色界三无色界二問云何彼
緣境界答
普遍在苦因疑見及无明是一切種使
樂在一地中
見苦斷種及見習斷疑見及無明此
煩惱是普遍一切五種行於自地所
以者何一切有漏法是苦習性問何

故行於自地非他地若非境界故不行於上離欲故不行於下是謂欲界十二切遍煩惱色無色界亦亦餘不一切遍自種境界故

初煩惱五種 四說為第二境界於上界未離慧所說

欲界見苦斷邪見謗色无色界苦見盜受第一戒盜受解脫方便疑惑无明不了見習斷邪見謗色无色界因見盜於因受第一疑惑無明不了如是色无色界一切地乃至无所有處邪疑是俱生及不共無明息止道二斷當知无漏緣

見滅斷邪見謗於滅是緣滅故无漏緣如是疑惑於滅及彼相應无明無漏緣如是見滅斷不共無明謂不欲於涅槃彼亦无漏緣見道斷亦復如是是十八使无漏緣問云何有漏種諸使所縛若

若種在欲界一切諸遍使緣縛於已地在上界亦然諸一切遍使是於自地中緣使一切種其餘諸結使當知自種緣所使於自界

及是相應品

其餘諸結使當知自種緣所使於自界者一切不遍使自於種中緣諸法即彼所使及是相應品者一切遍及不一切遍是一切自品中相應所使若无漏所行及他地緣惱是相應所使境界解脫故

若无漏所行及他地緣惱是相應所使者若使无漏緣及上地緣是自品相應所使非緣使所以者何境界解脫故此使不緣於境界无漏諸法解脫一切煩惱上地諸法解脫下地煩惱問此使當言不善為無記若

已身見邊見此相應无明是欲中無記色無色一切已身見邊見此相應无明是欲中无記者欲界身見邊見及相應无明是无記所以者何已身見數數行若當不善者欲界衆生應無有樂多作不善故復次若不善者相違於福山中計我人行福令我得樂不善者相違於善是以身見非不善斷見是无常見厭於生死是亦非不善是故非不

善有常見亦不違善如身見是故非不善餘欲界煩惱一向不善色无色一切者色界无色界諸使盡无記所以者何正受所壞故不善者受苦痛報彼中无苦痛問一切諸煩惱盡縛自所有境界為不若

貪欲瞋恚慢知或過去縛未來受一切餘二世盡受

貪欲瞋恚慢知或過去縛者謂過去受恚慢是不必於前一切自境界起愛者不能於前一切法中起非以不見生故未來受一切者謂未來愛恚慢縛一切有漏法所以者何緣一切有漏故餘二世盡受者見疑及无明憇緣一切法是故縛過去未來諸有漏法現在使不定故不說若有者受自相彼應說如過去已說諸使境界次第今當說

次第是轉生自地於自地 上地亦生下此事當分別次第是轉生自地於自地者一切諸煩惱於自地煩惱次第緣可得二次第生一切上地亦生下此事當分

阿毘達磨論卷第二 第七張 自 卷
別者梵天上命終次第生欲界一切
若彼中穢汙心命終此中一向穢汙
心相續如是一切地

已說諸使自相如此煩惱世尊教化
故多種說今當分別問世尊說七使
欲愛恚有愛憍見疑及無明此云
何答

欲界五種欲此說欲愛使色无色如上
有愛當分別

欲界五種欲此說欲愛使者見苦習
滅道思惟斷色無色如上有愛當分
別者色界愛五種无色界亦亦
恚即是恚使五種如前說憍憍及元明
十五在三界

恚即是恚使五種如前說者瞋恚亦
如是五種憍憍及元明十五在三界
者憍欲界五種色界五種無色界五
種无明亦亦

見使三十六說普在三界疑使有十二
此七有異名
見使三十六說普在三界者欲界十
二見五見苦斷二見習斷二見滅斷
三見道斷色無色界亦亦疑使有十

阿毘達磨論卷第二 第八張 自 卷
二者欲界有四見苦習滅道斷色無
色界亦亦此七有異名者此煩惱說
扼受派漏問何以等故答

扼縛及受派漏一切無窮諸扼及受派
煩惱是說漏

繫一切衆生故說扼受生具故說受
派下一切衆生故說派漏一切無窮
故說漏已說種種相相應根今當說
諸使在三界盡護根相應隨地諸根使
相應於色身

諸使在三界盡護根相應者一切九
十八使盡護根相應諸煩惱後時依
於无末而止隨地諸根使相應於色
有者梵天及光曜有喜根彼地諸使
喜根相應及護根遍淨有樂根彼地
諸使樂根相應及護根

邪見及無明 欲界中樂苦瞋恚唯苦
謂餘一向樂

邪見及無明欲界中樂苦者欲界邪
見無明樂根相應及苦邪見者作惡業
為喜淨業為憂彼相應無明亦亦瞋
恚疑唯苦者疑憂感為本不決定故
不喜瞋恚亦亦謂餘一向樂者欲界

阿毘達磨論卷第二 第九張 自 卷
餘使一向樂相應非苦彼歡喜為本
二勤堅著身見斷唯應意欲界諸煩惱
此根是相應

二勤堅著名諸煩惱思惟斷彼身痛
相應心痛於中身痛者樂根及苦根
心痛者喜根及憂根俱有護根一切
身痛思惟斷意俱有見斷唯應意者
見諦斷結唯意相應欲界諸煩惱此
根是相應者是謂欲界諸煩惱已分
別相應根上煩惱今當說

無慙亦無愧 睡悔及與慳嫉掉眠煩感
故設上煩惱
此八事說上煩惱諸使是煩惱於中
此上從中起此是使垢依於使問何
者使垢答

一切煩惱俱 說睡及與掉 無慙不善俱
无愧亦復然

一切煩惱俱說睡及與掉者掉名於
心不止息是一切煩惱相應煩惱是
不止息眠雖名沉意彼亦一切煩惱
相應以沉心使生煩惱無慙不善俱
无愧亦復然者無慙名行惡時不慚
他无愧名自惡不厭不著此二上煩

惱一向不善相應非無記

謂苦在於意悔思惟所斷眠唯在欲意餘各自建立

謂苦在於意悔思惟所斷者悔名作善作惡事不成而悔不可說是喜故一向苦相應是意憂根相應從惡行生故說思惟斷苦相應故當知是欲界眠唯在欲意者眠意閉故眠是一向欲界在意地彼於欲界一切煩惱相應一切諸煩惱行於眠時餘各自建立者謂餘二上煩惱嫉及慳嫉名見他樂生熱慳名守護惜著彼俱自建立非餘煩惱相應問諸煩惱幾識相應答

欲瞋恚無明當知依六識謂欲思惟斷色中隨所得

欲瞋恚無明當知依六識謂欲思惟斷者欲界思惟所斷愛恚無明六識相應色中隨所得者愛無明色界隨所得梵天上四識彼中此二煩惱四識相應餘煩惱在意識中已說諸煩惱如所斷今當說
一時斷煩惱而於中解脫無量時所得

阿毗曇心論卷第二 第十一張 白 出
正智之所說

一時斷煩惱而於中解脫者此煩惱无導道一時斷非已斷復斷无量時所得正智之所說者此得盡數數如欲界見斷五時得盡證自分及四沙門果如是一切如賢聖品說

欲界中解脫 聖說四斷智 離色無色界當知五斷智

永盡无餘謂之斷智於中若欲界見苦習所斷若盡得无餘解脫是一斷智見滅斷二見道斷三思惟斷四色無色界見苦習斷一斷智見滅斷二見道斷三色界思惟斷四無色界思惟斷五問以何等故於斷分斷智答智果故說斷智如瞿曇性中生亦名瞿曇此亦復亦問此諸使為心相應為不相應答相應所以者何

心為使煩惱障導清淨違諸妙善可得當知相應使
心為使煩惱者若使心不相應不以煩惱心若煩惱者是故相應障導名若使心不相應不障導諸善法若障導者善法不生不障導使生是故相應

淨相違諸妙善可得者若使不相應不與善相違若不與善相違者善心亦應生若不相應是煩惱性亦不應作患若相違常相隨不生善不相隨則生善因此事故是相應使

賢聖品第五
已說使品賢聖品今當說

如此聖斷勞眾恐怖之本等方便正智今當說善聽

不亭心者無能起正見是以始自身處所繫縛心今定亦欲縛識足及盡煩惱怨是方便於身真實相常定諸痛及此心 法亦如是觀

此身不淨相无常相苦相無我相是相定真實彼自身一處繫心離心乱始真實觀身相次觀痛後觀心彼伴彼依及彼相應餘心數法觀亦諸心不相應行如其性如其相所有如是彼身痛心法意正次第生

入法中惣觀 同觀諸法相此四是无常空无我非樂
入法中惣觀同觀諸法相者入法意止中彼聖惣觀諸行相觀諸行相已

增長養止生無垢智眼一切身痛心
法惣觀問云何答

此四是无常空无我非樂

此身痛心法展轉相生故无常不自
在故空非主故无我惡災患故苦

從是名燻法即是意中生行是十六行
正觀四真諦

從是名燻法即是意中生者彼如是
觀生善燻於中當生无漏智火能燒
一切行新問彼何行何境界答

行是十六行正觀四真諦

彼行是十六行境界四真諦四行觀
苦諦此苦性劣從因緣生故无常元

常力所壞故苦內離人故空不自在
故无我四行觀習此習成相似果故因行

相續習一切生死无窮可得故有不
相似事相續故緣四行觀滅此滅覆

一切患盡故滅除一切煩惱火故止
勝一切法故妙捨生死故離四行觀

道此道至非品故道非顛倒故如一
切聖所履故迹生死患轉出故乘是

謂彼行十六行境界四真諦善根謂
之燻法

彼起已成立生頂及于忍得世第一法
依倚於一相

彼起已成立生頂及于忍者若已成
燻法於中復於欲界生善根如頂亦

十六行觀四真諦勝燻法故說頂已
增上頂生善根名為忍亦十六行觀

四真諦堪任故說忍若忍已成立
得世第一法依倚於一相

一切世俗功德中寂勝生善根名世
間第一法開涅槃門故於凡夫意中

寂勝故說第一法問以何等故說依
倚於一相答於凡夫意中更無有比

二功德若有者彼亦應開涅槃門而
不開是故說依倚於一相問彼幾行

何緣何地所攝答
彼行苦四行說攝依六地

彼行苦者彼即緣苦諦非餘四行者
謂行苦諦境界无常為首所以者何

如初元漏心緣彼亦復亦說攝依六
地者彼法攝於六地未來禪中間禪

根本四禪非欲界不定界故非无色
界元見道故問餘善根何地所攝答

忍亦攝六地餘則依於七

忍亦攝六地者諦順忍六地所攝如
世間第一法餘則依於七者燻及頂
七地所攝此六及欲界未除欲欲界
已除欲色界

世第一法次必興起法忍忍次生於智
俱觀於下苦

世第一法次必興起法忍者世間第
一法次第生無漏法忍名苦法忍彼

未曾觀今觀時堪任故曰忍是謂初
無漏无導道忍次生於智者彼次第

生苦法智同境界受真實性解脫道
問彼忍及智何緣答

俱觀於下苦
下苦者欲界苦彼同緣

上苦亦如是因滅道亦是正觀諸法
說十六淨心

上苦亦如是者上苦是色无色界苦
彼亦如是生忍无導道智解脫道苦

未知忍及苦未知智因者是習諦彼
亦如是生四道如苦習法忍習法智

習未知忍習未知智滅者滅亦如是
生四道滅法忍滅法智滅未知忍滅

未知智道亦然者道亦如是生四道

道法忍道法智道未知忍道未知智是正觀諸法說十六淨心者是見法見法者謂之正觀是見異名

從法行利根 此在十五意從信行當知鈍見亦在中

從法行利根此在十五意者彼十五心頂若利根是說從法行從信行當知鈍見亦在中者即彼十五心頂若鈍根是說從信行

未離欲界欲趣向於始果捨六趣至三向九無漏

未離欲界欲趣向於始果者彼從信行及從法行趣沙門果時若未離欲俱趣須陀洹果捨六趣至二者欲界煩惱九種微微中微上上中微中中中上上微上中上上彼若凡夫時已離六種彼於後若趣證是俱趣第二果三向九無漏者若已離九種是俱趣阿那含果

若至十六心是名住於果信解脫濡見見到說利見

若至十六心是名住於果者十六心名道未知智心相應彼生已說住於

果未曾離欲界欲俱須陀洹已曾離六品俱斯陀舍盡離九品俱阿那含信解脫濡見見到說利見者若彼趣時從信行鈍根是信解脫若彼從法行利根是見到

未盡思惟斷極生生死七家家有三盡俱在道迹果

未盡思惟斷極生生死七者彼信解脫及見到未離欲界思惟所斷煩惱是生生死七彼有天上七生及人中故說極生生死七家家有三盡者若三種盡上微上中上上是說家家彼天上及人中或生二家或生三家後般涅槃故說家家俱在道迹果者極七有及家家當言俱住須陀洹

六盡一往來 離八謂一種九滅盡不還已出欲汗泥

六盡一往來者若有六種盡上三中三是斯陀舍彼餘一生天上一生人中一往來已般涅槃故說斯陀舍離八謂一種者若八品盡是一種彼餘唯一生無餘故說一種九滅盡不還者若一切九品盡是阿那含彼不復

來欲界故說阿那含所以者何已出欲汗泥

如是九煩惱 若在上八地彼雙道所滅世尊之所說

如是九煩惱若在上八地者如欲界九種煩惱滯滯至上上上界亦如是八地中梵世光曜遍淨果實元量空處無量識處無所有處非想非非想處彼雙道所滅世尊之所說者此一切煩惱欲界及色无色界雙道所滅以無導道滅解脫道得證問此道為世俗為無漏答

有垢无垢道 俱能離八地 住中說身證謂獲滅盡定

欲界地一色界地四無色界地三亦世俗道滅亦無漏凡夫從世俗道尚得遠離况復聖住中說身證謂獲滅盡定者住於八地无欲中謂學得滅盡定是身證所以者何法似涅槃身所觸故說身證

金剛喻定次 必速得盡智 生意我生盡離於一切漏

金剛喻定次必速得盡智者金剛喻

離於一切漏

金剛喻定次必速得盡智者金剛喻

離於一切漏

金剛喻定次必速得盡智者金剛喻

離於一切漏

阿毘達磨心論卷第二 第十九張 自

定名非想非非想處離欲時第九無
導道寧後學心於中一切諸煩惱永
盡無餘一切聖行畢竟故說金剛喻
三摩提此次第生盡智寧初無學智
生意我生盡離於一切漏者彼生定
意我一切生盡彼於今時無著解脫
於一切漏問無著幾種答

元著有六種是從信生五 逮得於二智
當知時解脫

元著有六種者世尊說六無著退法
念法護法等住必昇進不動法於中
若濡智及濡進是得退具便退故說
退法濡智及濡進數惡身惡身已
念壞故說念法濡智而廣進進力常
自護心故說護法中智及等進是不
增不損等住於中道故說等住必利
而廣進彼必得不動故說必昇進利
智及廣進是始得不動故說不動是
從信生五逮得於二智者於中五曾
從信行彼有二智盡智及無學等見
當知時解脫者彼當知時解脫是求
時不能一切時隨所欲學善
不動法利根是不時解脫獲得於三智

阿毘達磨心論卷第二 第二十張 自

成就等解脫
不動法利根是不時解脫者謂一向
利根是不動法彼不時解脫能一切
時隨所欲學善不求時獲得於三智
者彼有三智盡智無生智無學等見
成就等解脫者謂此五元著時解脫
是成就等意解脫謂不動法是成就
不動解脫

慧解脫當知不得滅盡定 唯有俱解脫
成就滅盡定

慧解脫當知不得滅盡定者此六无
著若不成就滅盡定是說慧解脫是
慧力解脫非定力唯有俱解脫成就
滅盡定者此六无著若得滅盡定是
說俱解脫彼俱力解脫慧力及定力
已說賢聖人法今當說
從信行諸法 及從法行法 聖道見諦道
是盡同一相
從信行法從法行法是說見道
於中諸根法 是名未知根 謂餘有學法
佛說已知根
於中諸根法是名未知根者於見道
法中謂根根數如心及痛信首五根

阿毘達磨心論卷第二 第二十一張 自

是未知根謂餘有學法佛說已知根
者離見道學法諸餘學法中即彼根
說已知根
當知無知根 在於無學中 已得果便捨
前道應當說

當知無知根在於無學中者無學法
中即彼根說無知根已得果便捨前
道應當說者此無漏法昇進得果時
捨无學道所攝及解脫道

已盡為解脫得攝於一果 不穢汗第九
滅盡應當說

已盡為解脫得攝於一果者无學道
至解脫道於其中間得煩惱盡但得
果時一切煩惱盡得一解脫果不穢汗
第九滅盡應當說者說諸煩惱九種
道所滅但不穢汗第九无學道一時
斷不漸漸
若有相似名彼能獲不動無著及信脫
彼同性增道
若有相似名彼能獲不動者謂无著
不能一切得不動性必昇進得彼是
相似名无著及信脫彼同性增道者
謂信解脫一向性必昇進是增益諸

阿毗曇心論卷第二 第三三 自說十
根逮得見到非餘問去何知漸漸見
諦答

建立功德惡次第見真諦

非以見功德時見惡亦不以見惡時
見功德亦非初惣觀彼惡亦非一時
一切厭亦非惣功德諸功德亦非一
時合是以建立功德惡次第見真諦
問去何知有為無為果答以無導道
力得自為無為果無導道力得有為
果及無為果是故以無導道力得有
為無為果

阿毗曇心論卷第二

甲辰歲高麗國大藏都監奉

勅彫造

阿毗曇心論卷第二
校勘記

- 一 底本，麗藏本。
- 一 五二八頁上七行「當說」，諸本（不
含石，下同）作「說當」。
- 一 五二八頁上一四行第五字「使」，
諸本作「結」。
- 一 五二八頁上二一行「二十」，諸本
作「三十」。
- 一 五二八頁中三行第八字「五」，諸
本作「吾」。
- 一 五二八頁中六行首字及第五字
「相」，諸本作「想」。
- 一 五二八頁中一四行末字「受」，諸
本作「愛」。
- 一 五二八頁中一七行第六字「舉」，
石、普、南、徑、清作「與」。
- 一 五二八頁下六行第一三字「從」，
諸本作「疑」。
- 一 五二八頁下八行第四字「七」，石
作「十」。
- 一 五二八頁下一〇行第一三字「界」，
徑、清作「果」。
- 一 五二八頁下一五行第一三字「濡」，
資作「輓」。下同。
- 一 五二八頁下一九行第四字及二一
行第二字「苦」，徑、清作「若」。
- 一 五二八頁下二〇行第四字「地」，
南、徑、清作「切」。
- 一 五二九頁上一〇行第九字「惑」，
諸本作「或」。
- 一 五二九頁上一〇行第一四字「已」，
諸本作「色」。
- 一 五二九頁中一一行第六字「緣」，
諸本作「縛」。
- 一 五二九頁下一行第八字「善」，諸
本作「於善」。
- 一 五二九頁下二行第九字「向」，資、
南無。
- 一 五二九頁下四行末字「報」，資、石、
普、南作「想」。
- 一 五三〇頁中三行「何以」，諸本作
「以何」。

- 一 五三〇頁中一〇行末字「身」，諸本作「有」。
- 一 五三〇頁下五行第三字「心」，諸本作「及心」。
- 一 五三〇頁下一二行第二字「設」，諸本作「說」。
- 一 五三〇頁下二〇行第四字「眠」，諸本作「睡」。
- 一 五三〇頁下二一行第六字「使」，諸本作「便」。次頁中末行第九字，**南、徑、清**同。
- 一 五三〇頁下末行第一〇字「著」，諸本作「羞」。
- 一 五三一頁上五行第一三字「喜」，**南**作「苦」。
- 一 五三一頁中一二行第五字「苦」，**資、磧、普**作「若」。
- 一 五三一頁中一四行第一〇字「分」，諸本作「名」。
- 一 五三一頁中一五行第九字「性」，諸本作「姓」。
- 一 五三一頁中一八行「清淨」，諸本作「淨相」。
- 一 五三一頁中二一行第一三字「名」，**徑、清**作「者」。
- 一 五三一頁下三行第七字「應」，諸本作「違非」。
- 一 五三一頁下一九行第七字「正」，諸本作「止」。
- 一 五三二頁上一行第四字「止」，諸本作「心」。
- 一 五三二頁上六行第七字「是」，**資、磧、普、南**作「時」。
- 一 五三二頁上一六行第三字「習」，諸本作「故習」。
- 一 五三二頁中一〇行「凡夫」，**磧**作「凡末」。
- 一 五三三頁上七行第二字、八行第一三字「頂」，諸本作「頃」。
- 一 五三三頁上一五行「上上」，諸本作「上」。
- 一 五三三頁上一六行第九字「彼」，**南**作「微」。
- 一 五三三頁上二〇行第一四字「濡」，**磧**作「軟」。下同。
- 一 五三三頁中五行第二字「利」，**磧**作「刹」。
- 一 五三三頁下一七行第六字「聖」，諸本作「賢聖」。
- 一 五三四頁上七行第八字「幾」，諸本作「有幾」。
- 一 五三四頁上一六行首字「增」，諸本作「壞」。
- 一 五三四頁中末行第一二字「首」，諸本作「等」。
- 一 五三四頁下二一行第八字「性」，諸本作「惟」。
- 一 五三五頁上五行第三字「德」，**資、磧**作「先」。
- 一 五三五頁上七行第九字「惡」，諸本作「非」。
- 一 五三五頁上九行第三字「自」，諸本作「有」。

阿毗曇心論卷第三

自

尊者法勝造

晉太元元年僧伽提婆共惠遠於廬山譯

智品第六

智慧性能了明觀一切有無有涅槃是相今當說

謂智賢聖品已略說有無有境界今當說

三智佛所說最上第一意法智未知智及世俗等智

此三智攝一切智於中法智名謂境界於欲界苦習滅道无漏智境界是

初受法相故曰法智從法智根現見已非根現亦見未知智未知智名謂

境界色无色界苦習滅道无漏智境界是後受法相故曰未知智等智名

謂有漏智是多取等諦智男女長短為首

苦習息止道二智如可得此名與四智解脫師所說

此二智法智未知智若行於諦如是相似名所說苦諦境界說苦智習諦

阿毗曇心論卷第三 第三張 自
境界說習智滅諦境界說滅智道諦境界說道智解脫師所說

若智觀他心是從三中說盡无生智二境界在四門

若智觀他心是從三中說者他心智謂有漏境界是等智境界欲界道是

法智境界色界道是未知智盡無生智二者無學二智盡智无生智於中

所作已竟受无學智是盡智不復更作受无學智是无生智是亦法智未

知智問盡智无生智何諦境界答境界在四門此二智四諦境界苦習滅

道已說十智行今當說

二智十六行法智未知智如是行或非是說為等智

二智十六行法智未知智者法智性是十六行四行受苦四行習四行滅

四行道未知智色无色界亦尔如是行或非是說為等智者燻頂忍第一

法中攝等智行无漏行二諦所攝十六行第一法攝四行聞思及餘思惟

等智十六行離此餘等智非十六行謂施戒慈如是比

阿毗曇心論卷第三 第三張 自
四智有四行決定行所說正觀他心智此或是或非

四智有四行決定行所說者苦智四行如上說習滅道智亦如是正觀他

心智此或是或非者無漏他心智四行如道智有漏非

盡智无生智離空无我行說有十四行受相為最勝

盡智无生智離空无我行說有十四行者盡智无生智十四行除空无我

行所以者何彼行等諦我已作不復更作空無我者不以此行受相為最

勝者非一切无漏智在十六行十六行者是憍行更有无漏智受十六相

如身意止是自相智不在十六行前受十六行此自相行於諸无漏智前

受故勝已說十六行如此智所得今當說

第一无漏心或有成就一二或成就三於上增益一

第一无漏心或有成就一者第一无漏心苦法忍相應未離欲成就一等

智已離欲成就他心智二或成就三

阿毗達磨心論卷第三 第四張 自 審

者第二無漏心苦法智相應未離欲成就三法智苦智等智已離欲成就他心智於上增益一者於上四時增說一四時得苦未知智得未知智習法智得習智滅法智得滅智道法智得道智忍中不得智問此智何地所攝答

九智聖所說依倚於上地 禪中有十智无色地中八

九智聖所說依倚於上地者未來禪中間禪无他心智根本禪攝故禪中有十智者根本四禪中有十智无色地中八者无色中有八智除法智他心智法智者境界於欲界不以无色境界於欲界他心智行乘色无色中无色已說地修今當說修有二種得修行修得修者謂功德未曾得而得得已諸餘功德彼所倚亦得得已後時不求而生行修者謂曾得功德今現在前行問此諸智云何修答若以得為修智者諸聖見彼即當來修諸忍亦如是若已得為修智者諸聖見彼即當來

阿毗達磨心論卷第三 第五張 自 審

修者見諦道中謂智現在前修即彼當來修法智乃至道智諸忍亦如是者忍亦如是苦法忍現在前修即苦法忍當來修非智非餘忍如是一切是於三心中得修於等智或修七或六最後心所說

是於三心中得修於等智者即見諦道中三心須當來修等智苦未知智習未知智滅未知智行此三諦時得修等智所以者何此三諦習已觀非道諦謂地見道即彼地等智及欲界或修七或六最後心所說者道未知智離欲修七智謂阿那含果所攝未離欲修六智除他心智彼中非想非非想道得沙門果是以不修等智十七无漏心於上思惟道當知修於七六修增益根

十七无漏心於上思惟道當知修於七者須施洹果上思惟道十七心須修七智此道未來禪所攝是以无他心智盡智無生智是無學以故无餘七智必修所以者何彼意此功德常不空若不修者曾得已捨復未更得

阿毗達磨心論卷第三 第六張 自 審

於其中間應空而不空是以必修六種增益根者增益根名謂信解脫增益諸根速得見到彼有九无導道九解脫道是一切無導道一切解脫道修六智以說未離欲是以無他心智余時學道不學斷煩惱彼未曾得修功德非已曾得是以不修等智得不還果時遠離於七地思學諸通道解脫修習八

得不還果時者若得不還果修八智彼中要得根本禪是以修他心智餘智如前遠離於七地者四禪三無色離欲時一切九解脫道修八智於中一切修下地禪思學諸通道解脫修習八者三通如意足天眼天耳一切九解脫道修八智所以者何攝根本禪故

此无導道中及滅第一有彼八解脫道說者修習七七地離欲時一切无導道中修七智除他心智所以者何此无導道修滅結智他心智非滅結以故不修非想非非想處第一有彼離欲時八解脫

道中修七智除等智所以者何等智於非想非非想處轉還以非離故離於第一有六修无導道乘上應當知修習於下地

離於第一有六修无導道者第一離欲時九无導道中修六智除他心智及等智乘上應當知修習於下地者此修一切地當知修自地諸智及下地所攝謂依初禪離欲彼修二地功德自地所攝及未來禪如是至無所有處漏无漏一切諸地修功德初無學心中此未知智意

漏無漏一切諸地修功德初無學心中者得无著果時九地及自地亦一切諸地於中修所以者何非想非非想處地煩惱相違一切地有煩惱意不明淨無煩惱意明淨是以離彼修一切問此無學初心何智相應答此未知智意是初无學心未知智相應彼作是念我生已滅是非想非非想處生緣所以者何最後盡故是以苦未知智相應問又世尊言見智慧此

三為一種為種種答此是慧之差別慧性所有但以事故世尊或說見或說智問此義云何答

謂決定能知諸忍非智性者修行八忍能求故見能視故慧但非智不決定故所以者何用始緣故盡智則非見無生智亦然者盡智无生智視故慧決定故智但非見不求故無所為善俗有漏智在意及諸見當知此則見者意識地中善有漏慧三性見智及慧五見煩惱性此見所有觀察故亦不離智及慧餘有漏慧種非見性所有所以者何无記意識相應慧種非見性所有不觀察故微汗慧種亦非見性所有煩惱所壞故五識相應慧種亦非見性所有不觀察故亦不離智性說一切是慧者謂前所說離如忍中離智盡智無生智離見除善

謂決定能知諸忍非智性者修行八忍能求故見能視故慧但非智不決定故所以者何用始緣故盡智則非見無生智亦然者盡智无生智視故慧決定故智但非見不求故無所為善俗有漏智在意及諸見當知此則見者意識地中善有漏慧三性見智及慧五見煩惱性此見所有觀察故亦不離智及慧餘有漏慧種非見性所有所以者何无記意識相應慧種非見性所有不觀察故微汗慧種亦非見性所有煩惱所壞故五識相應慧種亦非見性所有不觀察故亦不離智性說一切是慧者謂前所說離如忍中離智盡智無生智離見除善

意識地及五見已餘有漏慧離見慧不如是所以者何一切智種一切見種即是慧種故問一一智幾智緣答法智未知智曉了於九智因智及果智是二智境界

法智未知智曉了於九智者法智觀九智緣九智除未知智所以者何未知智者非欲界果非欲界因非欲界滅非欲界道未知智亦如是九智緣除法智因智及果智是二智境界者習智是因智彼有漏他心智及等智緣同習故餘非緣无漏故苦智亦如是此即果智

道智是九智解脫智无緣餘一切境界決定智所說道智是九智者道智境界九智不緣等智有漏故餘盡緣同道諦故解脫智无緣者解脫智是滅智非緣智緣無為故餘一切境界決定智所說者餘有四智緣一切十智等智緣十智境界一切法故他心智亦緣十智具他心境界故盡智无生智亦緣十智一切有為境界故問又世尊言未知

阿毘達磨心論卷第三 第十張 目

智如離非想非非想處得无著果未
知智是彼道非以此可知未知智是
彼道非餘耶答亦有法智是色无色
界道問何者答

若息止及道法智之所行是滅於三界
非欲未知智

若息止及道法智之所行是滅於三
界者謂滅法智及道法智在思惟道
是滅於三界結或有法智離色无色界欲
謂此重見惡是於欲界思惟滅及道
離色无色界欲非苦智非習智所以
者何不同苦習同於滅道故問頗有
未知智滅欲界不答非欲未知智无
有未知智能滅於欲界所以者何無
彼重見惡而悲此問神通智性所有
彼亦應當說一一幾智答

如意足等智 天眼耳亦然 六於宿命中
五說他心智

如意足等智 天眼耳亦然者如意足
說等智天眼耳亦如是无漏智不
以此行六於宿命中者宿命通有六
智法智憶法智分未知智憶未知智
分等智憶俗智憶過去苦習智憶

阿毘達磨心論卷第三 第十張 目

過去習道智憶過去道五說他心智
者他心智通有五智法智知他心中
法智及彼相應心心數法未知智亦
如是等智知他俗心心數法道智知
他无漏心心數法他心智五

九智漏盡通聖人之所說八境界於身
法十九智二

九智漏盡通聖人之所說者漏盡通
无漏九智一切漏相違故問又世尊
言身身觀意止觀者是慧此意止何
智所有答八境界於身八智觀身色
假名為身是八智所知除他心智及
滅智若智緣色者是身意止此二智
不緣色法十者法意止有十智離色
痛心餘法謂法是境界有十智自相
界及一切惣如是法意止九智二者
痛及心九智除滅智謂智緣痛是痛
意止謂智緣心是心意止問諸如來
有智力去何如來力施設智及如來
四無所畏智性所有如所說我等正
覺此諸法未等正覺不見此相如是
一切此亦應當分別一一幾智性所
有答

阿毘達磨心論卷第三 第十張 目

是處非處力及无畏第一此是佛十智
餘此中老別

是處非處力及无畏第一此是佛十
智者佛有十智是處非處力是處智
名受諸法真實相真實行受知此法
如是相如是行是謂是處智非處智
名諸法他相他行不可得則知非此
法如是相如是行是名非處智是佛十
智初無畏亦十智等正受故餘此中
老別者是處非處力老別有十力初
无畏老別有四無所畏處非處智是
境界老別故十種分別初无畏亦境
界老別故四種分別問四辯亦智性
所有此亦應當分別一一幾智答

法辯辭辯一應義辯俱十願智是七智
智取勝所說

法辯辭辯一者法辯名覺諸法名是
等智非以無漏智受名世俗中名是
假号无漏智不以此行辭辯名覺正
說此亦等智是俗中假号應義辯
俱十者應辯名觀及現無所畏号方
便智是十智義辯名覺諸法真實彼
亦十智受真實相故

其人云此應二辯應
一等智法義二詳十智也

問願智有幾智答願智是七智智寂勝所說願智有七智除他心智盡智无生智願智者利捷疾境界於三世受一切諸法是七智性所有其人去一等智

定品第七

問如是知諸智此智當云何答智依於諸定行无罣尋行是以思惟定欲求其真實

智依於諸定行无罣尋行者如燈依油離風處光焰甚明如是智依於定意離諸乱智光甚明必定无疑行於緣是以思惟定欲求其真實

決定說四禪及與無色定此中一一說雜味淨无漏

決定說四禪及與無色定者有八定四禪及四無色定此中一一說雜味淨无漏者初禪有三種味相應淨无漏如是一切諸定門云何味相應云何淨云何无漏答

善有漏是淨 无熱謂无漏氣味愛相應 寂上無無漏

善有漏是淨者謂善是淨故說淨无熱謂无漏者煩惱假名熱謂定无煩

惱是无漏氣味愛相應者謂禪无色定愛相應是具足共相應共行是說味相應寂上无无漏者寂上非想非非想處彼中无无漏不捷疾行故是有三種餘各三種問禪何性所有答五枝有覺觀 亦復有三痛若干種四心謂之是初禪

五枝者謂五枝攝受初禪令堅固亦從此得名覺觀喜樂一心覺名當入定時生善功德始廣心思惟觀名令心細相續相連喜名於定中悅樂名已悅於身心中安隱快樂一心名於緣中心專不散此種住定時是技及入時捨時是故五枝初禪有覺觀者有覺有觀即是初禪問以受五枝今覺觀何用答技者謂善是於五枝中說穢汙及无記亦有覺有觀而不覺亦復有三痛者初禪有三痛樂根喜根護根於痛中樂根是身痛喜根是意地護根在四識若干種者梵世中若干種有上有下是說具足生處四心者初禪有四心眼識耳識身識意識謂之是初禪者以一切諸法

謂是初禪已說初禪第二今當說二痛若干種 二禪有四枝 五枝是第三此禪說二痛

二痛者第二禪有二痛喜根及護根若干種者於中身有若干種已離覺觀有若干心或時入喜根或時入護根但喜是根本邊有護根二禪有四枝者第二禪有四枝内淨喜樂一心内淨名是信於離中生信已得初禪離便作是念一切可離餘枝如前說此種於第二禪是枝五枝是第三者第三禪有五枝樂護念智一心樂者意識地中樂根護者已樂於樂不求餘其人去護雖有義不應去枝也念者是護方便不捨智者不令樂一心者定此種於第三禪中是枝此禪說二痛者第三禪有二痛樂根及護根樂根是根本護根是邊 離息入息出 第四有四枝 此枝謂說善亦復分別種 離息入息出者息入者來息出者去是第四禪中无所以者何彼由定力故身諸毛孔合第四有四枝者第四

阿毘達磨論卷第三 第七二張自

禪有四枝不苦不樂護淨念一心未
 離苦樂不苦不樂餘如前說問何禪
 是枝相應答此枝謂說善善禪枝相
 應枝非穢汙亦非无記亦復分別種
 者謂種隨處已說當知是餘處不應
 有如初禪有覺有觀四心說此種餘
 一切地無第四禪離息入息出是三中
 无不應說已說四禪四无色定謂餘
 今當說問如世尊言有根本依若未
 離欲未有根本依而有无漏功德是
 無漏功德何地所攝答未來禪所攝
 又世尊所說有三定有覺有觀无覺
 少觀无覺無觀於中初禪是有覺有
 觀第二禪是无覺无觀謂无覺少觀
 定是何地所攝答是中間禪所攝是
 未來禪中間禪相今當說
 相應有覺觀俱在未來禪者未來禪
 明智之所說
 相應有覺觀俱在未來禪者未來禪
 中有覺有觀觀相應中間明智之所說
 者中間禪少有觀而无覺彼漸漸心
 息止
 无依而二種除其味相應中禪有三種

阿毘達磨論卷第三 第十七張自

俱為說一痛
 无依而二種除其味相應者未來禪
 一向善有漏及无漏有漏者淨无漏
 即无漏中禪有三種者中間禪有三
 種味淨无漏生死居故俱為說一痛
 者未來禪及中間禪俱有一痛護根
 非根本地故已說諸定餘功德於中
 攝今當說
 三摩提有通无量修一切除入及諸智
 解脫於中起
 三摩提者三三摩提空無願无相无
 漏心繫縛故有通者有六通如意足
 智天耳智他心通智憶宿命智生死智
 漏盡通智无量者四无量慈悲喜護
 无量眾生境界故曰無量修一切者
 十一切入地一切入水火風青黃赤
 白一切入无量空處一切入无量識
 處一切入盡具解故一切入除入者
 八除入内未除色想不淨觀少境界
 一无量境界二除色相少境界三無
 量境界四復除色想青黃赤白觀除
 入除淨境界故故曰除入及諸智者
 諸智有十如前說解脫者八解脫未

阿毘達磨論卷第三 第十八張自

除色想不淨思惟一除色想不淨思
 惟二淨思惟三四無色及滅盡定境
 界背不向故說解脫於中起者此諸
 功德九地中可得及於中起
 說諸功德隨地可得今當說
 一慧悲及護慈亦有五通說遍四禪
 六中有現智
 一慧悲及護慈亦有五通說遍四禪
 中者一慧謂他心智三无量及五通
 是一切功德根本四禪中非餘六中
 有現智者現智是法智六地中有根
 本四禪未來禪中間禪
 除入中說四於中亦有喜初解脫及二
 功德初二禪
 前四除入喜等初第二解脫此功德
 初第二禪中非餘
 除入謂有餘及與解脫一亦八一切入
 佛說最上禪
 後四除入淨解脫前八一切入是功
 德第四禪中非餘
 餘脫即名說二一切亦然滅盡寂在後
 餘九謂无漏
 餘脫即名說二一切亦然者餘四解

脫自名所說及二一切入亦如是无量空處解脫无量空處一切入於无量空處中所攝如是至非想非非想處滅盡寂在後者滅盡定非想非非想處所攝所以者何謂未離彼欲亦入餘九謂无漏者謂餘无漏法九地所攝如三三摩提七智漏盡通是九地所攝四禪三无色未來及中間等智是十地所攝此亦非想非非想處可得以定數故問此功德幾有漏幾无漏答

三解脫當知有漏及无漏定智已分別謂餘盡有漏

三解脫當知有漏及無漏者无量空處无量識處无所有處解脫是有漏无漏定智无分別者定如契經品說无漏智及諸通如智品說謂餘盡有漏者餘一切功德一向有漏如三通威儀法故色聲受相故无量眾生緣故一切入意解怖望故三解脫亦如是非想非非想處非捷疾行故想智滅離覺觀故除入亦意解怖望故已說諸功德相成就今當說

未能度於欲成就味相應度下未至上成就淨諸定

未能度於欲成就味相應者謂地若未離欲於彼地成就味相應度下未至上成就淨諸定者謂離欲界欲若未生梵世上地彼成就淨初禪及初禪地有漏功德如是一切盡當知住上應當知无漏成就禪求得諸功德知非无欲中

住上應當知無漏成就禪者謂離下地欲彼住上地亦成就下地无漏如見諦離欲住梵世上地成就无漏初禪及初禪地定等諸无漏功德如是一切盡當知世俗功德繫在隨生處无漏在斷中是以離生處捨有漏功德不捨无漏求得諸功德知非无欲中者已說離下地欲成就上功德當知非一切功德離欲時得如如意足智天眼智天耳智无記性所有欲及滅盡定此求得非離下地欲時得已說成就因緣今當說定種有二十三味相應八淨七无漏問此二種幾種因答

妙无漏无染七種謂之因淨味相應禪當知因有一

妙无漏无染七種謂之因者一一無漏七種自然因地相應因共因淨味相應禪當知因有一者味相應初禪於味相應初禪因非餘非善因不相似故非餘地穢汗因行相違故淨初禪於淨初禪因非穢汗因不相似故非無漏因亦不相似故非餘地淨因自地果報故及自地繫縛故如是一切盡當知已說因緣次第緣今當說問一一次第生幾種答

无漏禪次第興起六種禪七八九有十起禪亦空定无漏初禪次第生六種自地淨及無漏如是第二第三禪无漏无所有處次第生十自地二下地四上地一无漏第三禪次第生八自地二下地二上地四無漏无量識處次第生九自地二下地四上地三餘無漏次第生十自地二下地四上地四淨六有七八九十生十一味相應諸禪興二乃已十

阿毘曇心論卷第三 第二十二張自
 淨六有七八九十生十一者淨非想
 非非想處次第生六自地味相應及
 淨下地四淨無漏无所有處无量識
 處非味相應離欲故如是一切盡當
 知一切自地味相應味相應諸禪興
 二乃以十者味相應禪次第生二自
 地味相應及淨不生餘各各相違故
 如是一切自地二下地一淨其人下不應
 一切味相應死時生已說次第緣緣
 今當說問一一幾種緣答
 淨以無漏禪必緣一切地穢汗相應禪
 獨緣於已地
 淨以無漏禪必緣一切地者淨及無
 漏禪一切地緣一切種穢汗相應禪
 獨緣於已地者味相應禪緣於自地
 味相應禪及淨非无漏愛无无漏緣
 亦不樂於他地
 无色无有力緣下有漏地善有根本地
 穢汗如味禪
 無色无有力緣下有漏地者無色定
 不能緣下地有漏法極寂靜故問何
 謂无色不能緣下地有漏法答善有
 根本地淨及无漏根本无色是自地

阿毘曇心論卷第三 第二十三張自
 緣及上地非下地緣穢汗如味禪者
 如味相應說无色亦然
 謂餘於色界 無量等功德是必欲界緣
 世尊之所說
 謂色界餘功德如无量等一切入除
 人及解脫唯緣欲界緣无量苦眾生
 青等諸色此則欲界所以者何神通
 二界緣故問世尊所說動禪是云何
 答動一切四禪无漏者動有漏是无
 漏力故受淨居果報問若一切四禪
 動者以何等故下三禪中无淨居果答
 若能動諸禪是依第四禪三地愛盡故
 淨居果實中
 若得第四禪是能動禪第四禪者先
 動餘者後謂得第四禪離三禪欲以
 是故下地无有淨居果實中有問世
 尊言有願智是云何答謂無著性不
 動是得一切定彼由定力故能起頂
 四禪於中若彼意生功德願智不淨
 辯首諸切德願智者如所願入定或
 過去或未來或現在或有為或無為
 是一切盡知不諍者欲令他意不起
 諍便不起辯者諸法義及味決定无

阿毘曇心論卷第三 第二十四張自
 疑不望得无所畏問是願智不諍及
 辯何地攝答
 三地有願智無諍依五地法辯辯依二
 二辯依於九
 三地有願智者願智三地所攝第四
 禪初禪及欲界入第四禪知初禪及
 欲界說无諍依五地者无諍五地可
 得根本四禪四及欲界欲令一切不
 諍法辯辯依二者法辯名緣味是欲
 界及梵天世非上地離覺觀故辯
 名是味撰智彼亦二地中可得欲界
 及梵天世二辯依於九者義辯及應
 辯九地中可得四禪四無色及欲界
 已說初禪當知已說未來及中間此
 是初禪眷屬故問云何得此定答
 斷欲亦復生而得於淨禪穢汗退及生
 无漏唯斷欲
 斷欲亦復生而得於淨禪者淨初禪
 二時得離欲時及上地没生梵天世
 如是一切盡當知穢汗退及生者穢
 汗味相應是退時得若欲界及梵天
 世經退於今時得味相應初禪生時得
 者若上地命終生欲界及梵天世於

尔時得味相應初禪如是一切盡當知无漏唯斷欲者无漏唯斷欲時得謂聖得離欲於尔時得无漏初禪如是一切盡當知問此功德誰能除煩惱答

无漏除煩惱亦復定中間一切定中間相應於護根

无漏除煩惱者无漏初禪八地除煩惱如是一切盡當知亦復定中間者定中間名謂下地除欲以方便道故終不得根本生未得離欲餘不能除一切定中間相應於護根者一切定中間護根相應終不得喜至不得義問變化心有幾謂有如意足能變化答八四禪果欲界四禪果初禪地問彼誰成就答

下地變化意成就彼種果若合三種心上地應當說

下地變化意成就彼種果者謂若成就禪是成就彼果下地變化心問如說初禪有四心住於上地欲聞欲見彼去何見聞答

梵世地識現在前問彼幾時成就答

若合三種心上地應當說若時彼識現在前若眼識若鼻識若耳識若身識尔時成就彼識若不現在前即滅尔時不成就

阿毗曇心論卷第三

甲辰歲高麗國大藏都監奉

勅彫造

校勘記

- 一 底本，麗藏本。
- 一 五三七頁上七行末字「令」，諸本（不含石，下同）作「今」。
- 一 五三七頁上一七行第一〇字「智」，諸本作「知」。
- 一 五三七頁下九行第一一字「說」，石、普、南作「者」。
- 一 五三八頁上三行末字「增」，諸本作「中增」。
- 一 五三八頁上六行第四字「忍」，清作「思」。
- 一 五三八頁上一三行、一五行「色中」，諸本作「色地中」。
- 一 五三八頁中八行第五字、一九行末字「頌」，諸本作「頌」。
- 一 五三八頁中二一行第一〇字「學」，南、徑、清作「學智」。
- 一 五三八頁下二行首字「種」，諸本作「修」。

- 一 五三八頁下一二行第三字「前」，諸本作「前說」。
- 一 五三八頁下二二行第二字「智」，諸本作「習」。
- 一 五三九頁上二行「離故」，諸本作「敵故」。
- 一 五三九頁上二一行第八字「滅」，諸本作「盡」。
- 一 五三九頁下二二行「境界」，**磧**作「境亦」。同行第一三字「十」，**磧**作「一」。
- 一 五四〇頁上一五行第六字「悲」，諸本作「非」。
- 一 五四〇頁中一一行首字「智」，諸本作「智性」。
- 一 五四〇頁中一六行「界及一切惣如」，諸本作「境界及一切惣智」。
- 一 五四〇頁下末行夾註右「其人」，**南**、**徑**、**清**作「經師」。同行夾註左「二辯」；**磧**、**南**、**清**作「二辯」。
- 一 五四一頁上四行夾註右「其人」，**清**作「有人」。
- 一 五四一頁上一一行第五字「智」，**磧**作「知」。
- 一 五四一頁上一八行第八字「門」，諸本作「問」。
- 一 五四一頁中二行第五字「是」，諸本作「是以」。
- 一 五四一頁中四行第一〇字「捷」，諸本作「捷」。五四三頁上二一行第九字**資**、**磧**同。
- 一 五四一頁中五行第二字「三」，諸本作「二」。
- 一 五四一頁中一〇行第三字「生」，諸本作「初生」。
- 一 五四一頁中一四行首字「入」，**南**、**徑**、**清**作「受」。
- 一 五四一頁下一行「第二」，諸本作「第二禪」。
- 一 五四一頁下二行末字「三」，**南**、**徑**作「四」。
- 一 五四一頁下一四行夾註右「其人云」，**徑**作「有人立」；**清**作「有人云」。同行夾註左第四字「云」，諸本作「立」。
- 一 五四一頁下一七行首字「二」，**徑**、**清**作「三」。
- 一 五四一頁下二二行「第四禪」，**磧**作「禪」；**南**、**徑**、**清**作「第三禪」。
- 一 五四二頁上一行末字「求」，諸本作「永」。
- 一 五四二頁上三行第三字「相」，**資**、**磧**、**普**作「根」。
- 一 五四二頁中一八行第四字「入」，諸本作「令」。
- 一 五四二頁中二〇行「色相」，諸本作「色想」。
- 一 五四三頁上九行第一〇字「想」，**南**作「相」。
- 一 五四三頁上一六行第五字「无」，**南**、**徑**、**清**作「已」。
- 一 五四三頁中一九行「性所有欲」，**資**作「餘所有故」；**磧**、**普**、**南**、**徑**、**清**作「性所有故」。
- 一 五四三頁中二〇行第四字「此」，諸本作「此功德」。

- 一 五四三頁中二二行第三字「相」，諸本作「無相」。
- 一 五四三頁下四行「七種」，**積**作「十種」。同行第七字「自」，**資**作「白」。
- 一 五四三頁下六行第一〇字「餘」，**積**、**普**、**南**、**徑**作「因」。
- 一 五四三頁下二二行第六字「九」，**資**、**積**、**普**、**南**作「無」。次頁上一行第六字同。
- 一 五四四頁上九行「緣緣」，諸本作「緣緣緣」。
- 一 五四四頁中二行第五字「說」，諸本作「禪說」。
- 一 五四四頁中六行首字「人」，諸本作「入」。
- 一 五四四頁中一七行第一〇字「謂」，諸本無。
- 一 五四四頁中一九行末字「淨」，諸本作「淨」。
- 一 五四四頁下二行第四字「攝」，諸本作「所攝」。
- 一 五四五頁上四行第一三字「除」，

- 諸本作「斷」。
- 一 五四五頁上一一行第六字「生」，**資**、**積**、**普**作「至」；**南**、**徑**、**清**作「地至」。
- 一 五四五頁中二行「若鼻識」，諸本無。

阿毗曇心論卷第四

自

尊者法勝造

晉太元元年僧伽提婆共思遠於廬山譯

契經品第八

已說定品契經品今當說

一切智所說契經微妙義此今當說

宜應善心聽

雖有一切阿毗曇契經義然諸契經

應具分別今當說世尊說三界欲界

色界无色界問此云何答

欲界十居止色界說十七无色中有四

三有亦復然

欲界十居止者此欲界十居止地獄

畜生餓鬼人六欲天四王天三十三

天炎摩兜師哆化樂他化自在是衆

生起欲想此處所中若可得物盡望慾

所有是以說欲界問色界云何答色

界說十七色界說十七者居梵身梵富

樓光少光無量光光曜少淨无量淨

遍淨無量尋受福果實无想衆生不

煩不熱善見善現色究竟此處所不

起欲想但成極妙色非男非女形是

阿毗曇心論卷第四 第三張 自

故色界无色中有四者无色界四居

无量空處无量識處无所有處非想

非非想處此處所無色彼離色欲是

以說无色界問世尊說三有欲有色

有無色有云何答三有亦復然謂

前三界分別即是三有問如世尊所

說七識住是云何答

善趣是欲界及色界三地无色亦如是

慧知諸識住

此欲界中若趣善數如人及六欲天

色界前三地无色前三地初禪地上

二禪地三二禪地上三禪地三三禪

地上四禪地九於中前三地及无色前

三地是說七識住何以故不壞識故

惡趣中苦痛壞故不得立識住第四

禪無想定壞故亦不得立識住非想

非非想處滅盡定壞故不得立識住

是故不說

第一有无想衆生居說九諸有漏四陰

是說四識住

第一有无想衆生居說九者此七識

住及无想衆生非想非非想處是說

九衆生居於中衆生居止是故說衆

阿毗曇心論卷第四 第三張 自

生居諸有漏四陰是說四識住者有

漏色痛想行若識相續有此伴是故

說識住問世尊說十二枝緣起此亦

應當說相答

諸煩惱及業有體漸漸生是名說有枝

衆生一切生

於中煩惱是无明愛受名說業者行

及有名說體者餘枝是一切衆生漸

漸生依體立煩惱煩惱所作業業所

作體是故十二種分別問此枝為一

時行為漸漸答非一時十二苦陰說

十二枝无明為首

彼是次第立受於生死中過去及未來

處中說於八

彼有枝次第立於中前生時一切煩

惱共有及伴說无明由此故造業業

造果是行彼生種心是識彼共生四

陰相續是名色於中所依眼為首諸

根是六入根境界心和合是更樂更

樂所生受是痛痛所著是受痛具所

煩勞是受彼所勞造業是有於中更

受果是生彼生中无量起災患是老

死如是此有枝一切生中二攝過去

世二未來八現在生中攝問世尊說
六界此云何答

諸大謂有四及與有漏識亦色中間知
是界說生本

諸大謂有四及與有漏識亦色中間
知者四大地水火風有漏識及色中
間可知謂眼所受此六法說界問以
何等故於衆多法中說六界答是界
說生本是六法生死之本此中有士
天想於中身地所生水所潤火成熟
除爛腐臭風所起空中間飲食由風
行出入識所立此中起士夫想是生
死性故說界問世尊說四聖諦此相
云何答

諸行若有果有漏是說苦若有因是會
苦盡謂之滅

諸行若有果有漏是說苦者一切有
漏從行因中生亦作一切苦患是故
一切行說苦諦若有因是習者一切
有漏行他因是以一切行說習諦如
一女亦說母亦說女前後故如有
漏行亦說苦諦亦說習諦已生當生
故苦盡謂之滅者一切有漏行滅休

息止謂之滅諦若有无漏行是說為
道諦彼為二事故見著則知微若有
无漏行是說為道諦者一切無漏行
說道諦何以故休息苦時盡是具
故問何以故說諦答彼為二事故二

事說諦自相真實非顛倒及見彼得
非顛倒意問如前因後果以何等故
世尊前說果後說因答見著則知微
聖諦雖有前習後苦先修道後得滅
但應前見苦諦後見習諦如是應先
見滅諦後見道諦何以故苦處習細
滅處道細是故世尊先說苦諦後說
習諦先說滅諦後說道諦問世尊說
四聖沙門果此幾種答

聖果有六種 取勝在九地 第三在六地
二俱依未來

聖果有六種者六種四沙門果無漏
五陰及數緣滅問四沙門果何地所
攝答取勝在九地取勝是無著果是
九地所攝根本四禪三無色未來及
中間第三在六地者不還果六地所
攝具足四禪未來及中非无色以無法智
故二俱依未來者須陀洹果及斯陀舍

未來禪所攝以未離欲故問世尊說
四道苦非速通苦速通樂不速通樂
速通此何相答

從信行諸法無煩惱遲想從法行諸法
无煩惱速想
從信行諸法無煩惱遲想者從信行
无漏法是非速鈍根輩所攝是遲若
受此當知信解脫時解脫亦受同鈍
根故從法行諸法無煩惱速想者從
法行無漏法利根輩所攝是速若受
此當知見到不時解脫亦受同利根故
根本禪地中 知假名樂想小及難得故
餘皆是苦想

根本禪地中知假名樂想者根本四
禪中利根及鈍根法說樂道何以故
止觀導等故及樂行故小及難得故
餘皆是苦想者餘地攝無漏是苦想
所以者何以小故未來禪中間禪止
道小無色中觀小是故極苦一向難
得及小故說苦問世尊說四不壞淨
於佛不壞淨於法僧聖戒不壞淨此
云何答
自覺聲聞法 解脫亦餘因清淨無垢信

聖戒及決定

阿毘曇心論卷第四 第七張 自 善

自覺聲聞法解脫亦餘因清淨无垢
信者自覺是佛彼佛無著果所攝无
學功德是佛法於此法若無漏信是
說於佛不壞淨已取正證聲聞彼學
無學功德是說聲聞法於此法若無
漏信是說於僧不壞淨涅槃中无漏
信及餘有為法如苦諦習諦信菩薩
无漏功德信學無學辟支佛法信是
說於法不壞淨聖戒者無漏戒是說
於戒不壞淨問以何等故不壞淨一
向無漏非有漏答及決定此是決定
從正見中生故無漏信無漏戒定無
漏有漏信者為不信所壞有漏戒
者為非戒所壞是以不決定无漏不
壞至後生是以決定故不壞淨一向无
漏問世尊說修定有四有修定於現
法中得樂居有修定得知見有修定
分別慧有修定得漏盡此何相答
初禪若有善說現法是樂若知於生死
是說名知見
初禪若有善說現法是樂者淨及无
漏初禪能得現法樂居若知於生死

是說名知見者生死智通是說修定

阿毘曇心論卷第四 第八張 自 善

知見共依五陰

慧分別當知求得諸功德 金剛喻四禪
是名為漏盡

慧分別當知求得諸功德者方便生
功德名欲界戒聞思修功德一切色
無色界善法一切無漏有為法是一
切修定分別慧金剛喻四禪是名為
漏盡者金剛喻名最後學心共相應
共有第四禪所攝是說修定漏盡何
義此如来自已說問世尊說四如意
足四正斷四意止彼亦應當說相答
善有為諸法求方便等起佛說如意足
亦現正意斷

善有為諸法求方便等起佛說如意
足者求方便等起如前修定分別慧
說是一切如意足如意乘器故亦現
正意斷者即此一切功德說正斷
彼亦是意止 四聖種亦然 謂有恩方生
彼聖之所說

彼亦是意止者即此法亦說意止問
世尊說四聖種此云何答四聖種亦
然即此法亦說四聖種問何以故此一

切功德說意止正斷如意足聖種答

阿毘曇心論卷第四 第九張 自 善

謂有恩力生彼聖之所說此諸法謂
定恩力生由定住是故說如意足精
進恩力生故說正斷念恩力生故說
意止少欲知足恩力生故說聖種已
共分別道品自相今當說

淨信精進念喜慧及倚覺護思惟戒定
是法謂道品

此十法說道品非餘於中信是信根
信力精進是四正斷精進根精進力
精進覺枝正方便念是念根念力念
覺枝正念喜是喜覺枝慧是四意止
慧根慧力擇法覺枝正見倚是倚覺
枝護是護覺枝思惟是正志戒是正
語正業正命定是四如意足定根定
力定覺枝正定問何以此法如是多
種分別答

處方便一意 濡鈍及利根 見道思惟道
佛說三十七

處者正念立緣中故說意止方便者
正方便故說正斷一意者立一意故
說如意足濡鈍意得故說根利根者
利根意得故說力見道者見道得故

說道支思惟道者思惟道得故說覺支是謂分別事故佛說三十七此十法事故佛說三十七問此道品何地所攝答禪第二未來是說三十六三四三五中間禪亦然禪第二未來是說三十六者第二禪无正志未來禪无喜覺枝餘有三四三五中間禪亦然者第三第四禪中間禪无喜覺枝无正志餘有
第一說一切三空三十一 寂上二十一 欲界二十二
第一說一切者初禪具有三十七三空三十一者三空中有三十一喜正志正語正業正命身意止彼中无餘有寂上二十一者非想非非想處无七覺八道及身意止欲界二十二者除覺枝道枝餘有問世尊說四食端食更樂食意思食識食是何想答諸食中端食是欲界三種 識思及更樂是食謂有漏
諸食中端食是欲界三種者欲界端食三種香味細滑除飢渴故說食識思及更樂是食謂有漏者有漏識有

漏思有漏更樂是說食有何義後生相續不斷故說食問世尊說三三摩提空無願无相此三摩提云何行幾行答
无願有十行 二行是空定 聖行中四行 說是無想定
无願有十行者无願三摩提行十行 無常行苦行習諦四行道諦四行二行是空定者空三摩提二行空及无我行聖行中四行說是無想定者無想三摩提滅諦四行問世尊說四顛倒於元常有常想心顛倒想顛倒見顛倒苦有樂想不淨有淨想非我有我想心顛倒想顛倒見顛倒此何見 断為何性答
曉了見苦断 四種是顛倒 三見性所有 捨見正見說
曉了見苦断 四種是顛倒者一切四顛倒見苦断以行苦處故三見性所有捨見正見說者顛倒是見性三見中寂上即是說顛倒身見是說我見 我是我見故邊見見有常及断見盜不淨見淨彼一切行苦處及見性所

有心想見作乱故說心顛倒想顛倒見顛倒但非性顛倒問世尊說多見六十二首是何見所攝答一切見是五見所攝身見為首問云何知答
非謗於真實 此說為邪見非實而見實 是二見及智
非謗於真實 此說為邪見者謂見非謗真實法无此如說无施無齋無說如是一切說邪見非實而見實是二見及智者五陰中不真實我見我觀有是實見說身見非真實樂淨觀有樂淨是見見盜及餘邪智思惟所断如夜有見謂是賊如豎木人像
淨見謂戒盜是非因見因受邊說此見 依断滅有常
淨見謂戒盜是非因見因者謂法於法非因見是因此見是戒盜如苦行至解脫受邊說此見依断滅有常者謂見无常事見常是謂有常見謂因緣相續不識已見断是謂断見謂之受邊見
建立諸非謗 因依於二邊 若有事轉行 是正見應断

阿毘曇心論卷第四 第十三經自

建立諸誹謗者說邪見彼若誹謗苦是見苦斷若誹謗習是見習斷若誹謗滅是見滅斷若誹謗道是見道斷身見建立於苦我是見苦斷見盜建立苦為樂是見苦斷若習是見習斷若滅是見滅斷不受正法是故見滅斷道亦復然戒盜若行有漏處是見苦斷若行無漏處是見道斷見斷滅計常是亦見苦斷現五陰受斷滅計常非不現此中分別一切諸見問世尊說二十二根此云何答諸界在於內者眼耳鼻舌意身三者身根三種身根男根女根及命根者命根第九是根生死依聖人之所說者此九根生死依故說根衆生是生死想

從痛諸煩惱信首依清淨九根謂無漏是三依於道

從痛諸煩惱者樂根苦根喜根憂根護根是諸痛從此諸煩惱故說根信首依清淨者信根精進念定慧根依

阿毘曇心論卷第四 第十三經自 統

此解脫故說根九根謂無漏是三依於道者信首五根三痛及意根是若元漏依道故說根謂從信行法行道所攝是未知根謂思惟道所攝是已知根謂無學道所攝是無知根問此中幾欲界繫幾色界繫幾無色界繫答

欲界四善八色種性有七諸心數者十一心慧所說

欲界四者男根女根苦根憂根是一向欲界繫餘如界品說善八者信首五根及三無漏色種性有七者色根有七五色根男根女根餘者非色問幾性心幾性心數幾非性心非性心數答諸心數者十信首五根及五痛一心慧所說者意根是餘根非性心非性心數問幾有報幾無報答

一及十有報 是慧之所說十三中是報見實者分別

一者憂根一定有報一向善不善故現在方便起是不從報生非威儀非工巧是以非無記故一向有報及十有報是慧之所說者信首五根謂有

阿毘曇心論卷第四 第十五經 由 本意

漏是有報謂無漏是無報意根及三痛謂無記及無漏是無報餘善不善是有報苦根謂無記是無報餘有報問幾是報幾非是報答十三中是報見實者分別十三根中或性是報或非色根七命根意根及四痛無記法者善不善中生故報問生時幾根策初得報答

二或六七八 謂初時可得欲中有報相亦六及上一

二或六七八 謂初時可得者謂漸漸成根如卵生濕生胎生是策初時二根生身根及命根化生無形得六根五色根及命根一形七二形八欲中有報想者此說是一向欲界衆生亦六及上一者色界策初得六根无色一報彼今時一向穢汙心是以一向穢汙得心心數法非報問命終時幾根策後捨答

四捨八與九 或復捨於十 死時漸漸減善捨各增五

四捨八與九 或復捨於十 死時漸漸減者無記心漸命終時策後捨四根

身意命護根无形一時無記心命終捨八根一形九二形十善捨各增五者即彼善心加增信首五根如是色無色界隨根可得亦如是問幾見斷幾思惟斷幾無斷答

二斷无斷四二種根有六三微妙不断謂餘思惟斷

二斷無斷四者四根見斷思惟斷无斷意根及三痛二種根有六者信首五根及憂根三微妙不断者三元漏是不斷謂餘思惟斷者九根思惟斷命根八及苦根已說諸經門今當說問世尊說六識眼識耳鼻舌身意識此識識何法答

若取諸根義是五種心界受一切諸法是謂意識界

若取諸根義是五種心界者義名五種色是五識識眼識識色乃至身識識細滑受一切諸法是謂意識界者意識識一切諸法此境界一切諸法問有十法欲界相應不相應色界相應不相應无色界相應不相應有為無漏相應不相應无為二種善及無

記此中應分別智二智境界幾法答五法應當知法智之境界未知智為七他心境界三

五法應當知法智之境界者五法法智境界欲界相應不相應无漏相應不相應无為善未知智為七者未知智境界七法色无色界及无漏相應不相應無為善他心境界三者他心智境界三法欲色及無漏相應有漏智有十因果境界六解脫智一法道二謂餘九

有漏智有十者有漏智是等智彼一切十法境界一切法境界故因果境界六者苦智及習智是境界六法三界相應不相應解脫智一法者滅智境界一法唯無為善道二者道智境界二法有為无漏相應不相應謂餘九者餘盡智无生智是境界九法除其無为无記是謂智解

自地煩惱定所使於自地一切遍是種隨在於彼類
自地煩惱定所使於自地者欲界諸煩惱所使於欲界梵世諸煩惱所使

於梵世如是至非想非非想處盡當知一切遍是種隨在於彼類者通一切遍不通一切遍諸煩惱所使隨通一切遍亦他種如身見見苦斷此中苦諦所斷一切使所使及見習斷通一切如是至命根思惟斷此思惟所斷一切所使及通一切

三界煩惱定定在於三界者謂法三界所攝是定在於三界此中三界一切使所使如意根定在三界此中一切使所使二界應當知者謂法二界所攝是定於二界此中二界一切使所使隨界可得如覺觀定在欲色界此中欲色界一切使所使一界亦復然者謂法定在一界此中一界一切使所使如憂根定在欲界一切使所使此佛說契經顯示於諸法識智及諸使分別此三門

此佛契經中若說諸法是三門應分別識門智門使門如欲有中五根義是六識識色界四識除鼻識舌識相

應不相應故七智知五種故欲色界使所使

雜品第九

已說契經品雜品今當說

已說隨相應一分別法於上眾雜義

今略說善聽有緣亦相應有行或與依

心及心數法 是同一義說

心及心數法此名差別一切行一緣是

故說有緣更牙相應故說相應境界

行故說行由依生故說依

從緣生亦因有因及有為說處有道路

有果應當知

有為法中此名差別由依緣故說緣

生他故說因由依因故說有因由依

造有故說有為多方便善顯現故說

處依過去未來現在道路故說道路

有轉成果故說有果

有惡亦隱沒穢汗下賤黑 善有為及習

亦復名修學

有惡亦隱沒穢汗下賤黑者不善及

隱沒无記法此名差別不可說輩中

立故說有惡煩惱所覆故說隱沒煩

惱垢汗故說穢汗凡鄙故說下賤無

智闇亂故說黑善有為及習者善有為法此名差別慧中生故說善行時

能得功德及可行故說習及修已說

心相應行心不相應行今當說

无思想二定 亦眾生種類 句身味名身

命根與法得 凡夫性所有 及諸法四相

非色不相應 說是有為行

無思想者生无想天心心數法不起

二定者无想定滅盡定無想定名厭

於生死解脫想由第四禪心相續一

時斷滅盡定名厭於勞務息止想由

非想非非想心相續一時斷亦眾生

種類者生處已生於此處眾生依及

心相似句者名會所說如所行非常

謂與衰法味者句會事廣說如偈及

契經名者字會說義如說常命根者

根及大等相續不斷得者成就諸法

不捨凡夫性者未取正證離聖法是

凡夫性所有四相者生住老無常非

色者此一切諸法如上所說非色非

色所攝不相應者無緣故說是有為

行者有為造故說有為行問此中幾

善幾不善幾無記答

善二三種五 七應是无記 二在色當知 一在無色地

善二者無想定滅盡定三種五者得

生老住無常善中善不善中不善無

記中無記七應是无記者七無記无

想天眾生種類句味名命凡夫性所

有問此中幾欲界繫幾色界繫幾无

色界繫答二在色當知一在無色地

二在色當知者无想定及無想天是

色界一在无色地者滅盡定在无色界

二界說於三 謂餘在三界有漏无漏五

其餘定有漏

二界說於三者句味名亦在欲界亦

在色界非無色界離言語故謂餘在

三界者眾生種類命得凡夫性所有

及四相通在三界問此中幾有漏幾

无漏答曰有漏无漏五其餘定有漏五

者得生老住无常在有漏中有漏在

無漏中无漏其餘定有漏者謂餘一

切定有漏問此離聖法假名凡夫三

界中無記此云何捨云何斷答

初無漏心中 聖不成就捨 凡夫流諸界

離欲時滅盡

初無漏心中聖不成就捨者第一元漏心中得聖法時得不成就捨凡夫流諸界者流諸界時謂處所命終此處所捨謂處所生彼處所得無記故離欲時滅盡者謂地凡夫所有若此地離欲尔時得滅凡夫性已說心不相應行無為今當說三無為法數緣滅非數緣及虛空於中數緣滅者解脫諸煩惱依於數緣滅有漏法離煩惱解脫數緣力智力計按事有而無是名數緣滅無星導之相是名曰虛空謂不障導色是虛空

諸法眾緣起亦從依與緣不具以不生此滅非是明

一切有為法從眾緣而生无緣則不生如眼識依根依色依空依明依地依寂然若此一切共和者便得生若餘不具便不得生如眼時眠一切時生尔時是餘事不具眼識不得生若彼眼識應當生而不生眼生已終不復更生離此緣故是有未來不復當生彼起具差違不和是非數緣滅如是一切行盡當知已說无為因今當

說問有為法說是因此中云何因為誰因答

前因相似增或俱依倚生 二因及一緣一向已生說

前因相似增者前生法後生相似因轉增如濡善於自地濡善因及中因上因中於中因及上因上唯上因行法時有住有增終不滅以是故非為濡因或俱依倚生者或因俱生如相應因及共有因二因及一緣一向已生說者自然因已生當言因非不生前者後因未生者无前後若為有者應隨時生不從因但不尔是故不有

一切遍因亦如是及次第緣問謂此報者為是眾生數為非眾生數答報是眾生數報者眾生數法中說非不眾生數所以者何眾生數者不共有非眾生數共有是故非報問是果法云何答有為解脫果一切有為法性果所有由因緣故无為解脫亦應說道果問有緣法云何行緣答有緣者共俱有緣法是相應是共俱一緣中行不別問何處行答行於他境界

他境界中行非自性離自行及緣老別故問心心數法為有處所為无處所答無處所所以者何普因故普因生心心數法因二眼生一識若有住處者應住一眼中一識故若尔者第二眼不應見色而見是故非一眼中住如是一切盡知若如是者以是故无住處問世尊說心解脫云何心解脫為過去為未來為現在答生時而解脫道生時解脫所以者何道生時諸煩惱滅是故生時解脫問道生時斷煩惱為不答

道滅時滅結 明慧之所說

道滅時斷諸煩惱非生時所以者何道生時是未來未來道者不能行事以是故无導道滅時斷煩惱解脫道生時解脫問世尊說有愛无有愛有愛幾種无有幾種答

有愛有五種 无有獨一相

有愛有五種有愛名於生不生物若愛是名有愛此五種有苦斷見習滅道斷及思惟斷无有獨一相者无有愛名已見斷樂於斷是名无有愛此

一向思惟斷所以者何從見愛思惟
斷此是不轉行相續中愛非愛見是
故思惟斷問世尊說三界斷界無欲
界滅界此何相答

愛處餘煩惱滅盡是三界

愛斷是無欲界處斷是滅界餘煩
惱斷是斷界問十心欲界善穢汗
無記色界善穢汗無記無色界善
穢汗無記及無漏此心幾穢汗心
中可得幾善心中可得幾無記心
中答

穢汗心得十 正覺之所說 善心中得六
無記即無記

穢汗心得十正覺之所說者穢汗
心中得一切十心界及地來還時
三界善穢汗及無記此心一切得
退時得無漏善心中得六者善心
中得六心欲界善求學得及身口
行亦變化心無記色界善變化心
無記無色界善心及無漏無記即
無記者無記心唯無記以劣故問
前已說道品十法此中幾根性何
有幾非根答

阿毘曇心論卷第四 第二十六張自 意
道品有六法 當知是為根

此中六法根性所有信首五根及喜
餘者非根所有問諸法為自性相應
為他性答相應於諸法是說謂為他
諸法他性相應不自性非為自性於
自性伴問若此解脫當云何答緣中
解於縛大仙人所說諸煩惱於緣中
愚即彼不起愚緣中縛即於中解不
可以相應解相應所以者何以空故
問若斷即是解脫為異答如是若解
脫者即是斷問頗斷非解脫不答有或
斷已故縛見道及思惟苦智已生習
智未生見苦所斷煩惱斷而見習所
斷煩惱縛如是思惟所斷一切種更
手相緣故問見四真諦云何得不壞
淨答

二解於三諦 四由見正道 興起清淨信
修習於二世

二解於三諦者觀苦習滅得於法不
壞淨苦智習滅相應信是名不壞淨
得是及聖戒四由見正道興起清淨
信者見道時具得四問幾世修答修
習於二世諸法修於二世現在修行

阿毘曇心論卷第四 第二十七張自 意
未來者得修問心共行法云何答
一切心數法 說是心共行此相及餘法
作亦應當知

一切心數法說是心共行者一切心
數法說心共行心近故此相者此心
有四相生住老無常亦心近故及餘
法者餘心數法相亦心共行作亦應
當知者无教戒如前說問斷法云何
答斷諸有漏法一切有漏法斷雜惡
故問知法云何答知及諸无垢有漏
及无漏是一切知法一切智境界故問
遠法云何答過去未來是說遠不辨
事故問近法云何答餘說近現在近
辦事故无為近速得故問定法云何
答无間无救業及諸无漏行慧者說
是定五無間業是定必至地獄故無
漏行亦是定必至解脫果故餘不定
問見處云何答見處必有漏一切有
漏法見處五見處所故問若成就根
是成就幾根答
說有十九根 謂成就極多 少成就極八
曉了根所說
說有十九根謂成就極多者十九根

成就極多如二形及具根者未離欲見諦少成就極八曉了根所說者成就八根如不具身根斷善根及生无色中凡夫問幾種更樂答五種增有對無明處中明更樂聖道俱有二能興起成果

意識相應更樂是說增更樂五識相應更樂是謂有對更樂穢汙更樂是說无明更樂無漏更樂是說明更樂有漏非穢汙更樂是說非明非無明更樂問何等道德果為无導道為解脫道答聖道俱有二能興起成果二道共得果一者解縛二者得解脫此二道成果問无著住何心般涅槃答無著心中得無為涅槃无著一切事無所作无為無所求住從報心中便般涅槃問幾有答
生有及死有 根本亦復中
生有者始生時陰是謂生有死有者死時陰是謂死有根本有者除生有及死有於其中間陰是謂根本有中
有者有所至陰是謂中有問說有厭有離欲云何厭云何離欲答

諸智在苦因此忍修於厭滅欲得無欲說普在四中
諸智在苦因此忍修於厭者若智及忍緣苦習是說厭行厭處故滅欲得無欲說普在四中者四諦中智及忍說離欲能斷欲故

論品第十

威儀不威儀若離復獲得不由此致勝能決定者答

答有從無 色

頗得聖果時一切離諸惡有為淨善法得已而不修

答有退時得過去

道者興起時未遠離諸惡解脫時離惡願答已必定

答有謂當來願

頗光曜煩惱興起於定時清淨初禪中獲得墮衰退

答有無著果修及勤修

頗見諦道中逮得諸善法是法亦有緣聖者不見緣

答有欲界中修行等智

頗慧有漏果遠離淨功德不離從於意

此亦是彼果

答有欲界變化心

頗住无導道成就於諸滅諸煩惱從彼

非如无漏見

答有修學諸道時

頗結不解脫无垢者獲得而不断煩惱

謂此無垢盡

答有從光曜中生梵天時

頗无漏淨地未曾得已得不離欲非退

不依於見道

答有離色欲取證時得無漏無色思惟道

頗未得諸法而逮得此法不捨彼不得

若能知者答

答有餘初無漏心品得餘無漏功德

捨凡夫事餘者一切不得

阿毗曇心論卷第四

甲辰歲高麗國大藏都監奉

勅彫造

阿毗曇心論卷第四

校勘記

- 一 底本，麗藏本。
- 一 五四八頁上一四行第九字「四」，諸本（不含石，下同）作「四天」。
- 一 五四八頁上一五行「兜師哆化樂他化自在」，諸本作「天兜率陀天化樂天他化自在天」。
- 一 五四八頁上一六行第一四字「望」，諸本無。
- 一 五四八頁上一七行第六字「欲」，徑作「故」。
- 一 五四八頁上一八行第一一字「居」，諸本作「居止」。頁中一行末字同。
- 一 五四八頁上一九行第二字「光」，諸本無。
- 一 五四八頁中一行首字「故」，諸本作「故說」。
- 一 五四八頁中一〇行第一二字「六」，磧作「七」。
- 一 五四八頁中一二行第五字「二」，
- 一 五四八頁下一行第八字「是」，諸本作「故」。
- 一 五四八頁下七行第九字「受」，諸本作「取」。
- 一 五四八頁下一一行第一二字「苦」，徑作「若」。
- 一 五四八頁下一七行第七字「種」，諸本作「種子」。
- 一 五四八頁下二二行第一二字「患」，諸本作「害」。
- 一 五四九頁上一〇行首字「天」，諸本作「夫」。
- 一 五四九頁上一八行「從行」，諸本作「行從」。
- 一 五四九頁上一二〇行第四字「他」，磧、普、南、徑、清作「說」。
- 一 五四九頁上一二一行第七字「說」，磧作「他」。
- 一 五四九頁中四行末字「具」，徑、清作「道」。
- 一 五四九頁中二二行第九字「中」，
- 諸本作「中間」。
- 一 五四九頁下二行第六、第九、第一三字，三行第二字「通」，南、徑、清作「道」。
- 一 五四九頁下一一行「當知」，磧作「常知」。
- 一 五四九頁下一六行「導等」，諸本作「等道」。
- 一 五五〇頁下三行第七字「住」，南、徑、清作「生」。
- 一 五五〇頁下一三行第二字「根」，南作「相」。
- 一 五五〇頁下一五行第五字「命」，南作「命正」。
- 一 五五〇頁下二二行「濡鈍」，諸本作「軟鈍者輒鈍」。
- 一 五五一頁上一八行第一二字「想」，諸本無。
- 一 五五一頁中六行第四字、一〇行第一一字、一一行首字「想」，諸本作「相」。
- 一 五五一頁下三行第四字「首」，諸

本作「爲首」。同行第一〇字「答」，諸本作「答曰」。

一五五一頁下八行第一二字「齊」，諸本作「齋」。

一五五一頁下一一行「是實」，諸本作「實是」。

一五五一頁下二〇行第一二字「見」，**磧**作「是」。

一五五二頁上四行第六字「苦」，**磧**作「若」。

一五五二頁上八行末字「斷」，諸本作「斷滅」。

一五五二頁上九行第五字「常」，**磧**作「當」。

一五五二頁上一二行第九字「命」，**磧**作「四」。

一五五二頁下八行首字「初」，諸本作「初初」。

一五五二頁下九行末字「相」，諸本作「想」。

一五五三頁上二行第六字「九」，**南**作「九根」。

一五五三頁上一二行第一一字「門」，諸本作「問」。

一五五三頁中一四行末字「三」，**資**、**磧**、**普**作「二」。

一五五三頁下六行「一切」，諸本作「一切徧」。

一五五三頁下七行第四字「切」，諸本作「切使」。

一五五三頁下一八行第一〇字「界」，諸本作「界此中欲界」。

一五五四頁上六行第二字「略」，**磧**作「路」。

一五五四頁下一六行第四字「通」，**磧**作「道」。

一五五五頁上一六行第六字「根」，諸本作「眼」。

一五五五頁中二行第二字「因」，諸本作「不因」。

一五五五頁下一八行第五字「有」，諸本作「有愛」。

一五五五頁下一九行第二字「愛」，**磧**、**普**、**南**作「爲」。

一五五五頁下二一行第九字「有」，諸本作「見」。同行第一三字「習」，**徑**作「集」。

一五五六頁上二一行第七字「唯」，諸本作「惟得」。

一五五六頁中一〇行第一〇字「答」，諸本作「不答」。

一五五七頁上七行第二字「識」，**磧**作「識」。

一五五七頁上八行第五字「謂」，諸本作「說」。

一五五七頁上一一行第七字「德」，諸本作「得」。

一五五七頁上一五行首字「著」，諸本作「著報」。

一五五七頁上一六行第三字「无」，諸本作「無所」。

一五五七頁中一〇行第四字「無」，諸本作「無色生」。

一五五七頁中一六行末字「願」，諸本作「修」。

一五五七頁下五行第六字「道」，諸

本作「通」。

一 五五七頁下一七行「第四」，**資**、**磧**、**普**作「第四勝」。